

詞

部

集

詞部集

祠部集卷五

宋

強

至

撰

與五言律詩

不其北都春日外故京州平光製以覽其志一與于詩

日出車馬道風來城市塵關河應自昔花草不知春雲

靜鳥翻翼冰消魚動鱗太平無一事把酒勸耕民

驅車出近郭野色感年華河靜水猶凍地寒林未花細

風吹斷柳殘雪隱虛沙鄉思東南闊歸飛羨暮鴉

馬上口占

出郭塵埃少驅車節物便歸心
忘澤國病眼豁霜天鳥雀飛
荒圃牛羊臥晚田吟邊搖落
意疎木起孤烟

二月過半猶未見花昨日逢之
珍云已有小桃因成短句

不覺春過半開花始見桃年光
雙鳥翼世事一鴻毛有興撫清
景將愁付濁醪家林應爛漫南
望首空搔

偶書呈公勝

朔吹朝還暮繁雲凝復開不能
成雪意只解作寒媒薄

宦家千里長吟酒一杯西鄰鄭
夫子乘興幾時來

走筆送楊正臣先輩還吳

客衣沾魏土歸馬望吳雲一紀
困游宦異鄉愁送君驂騑行得
路鴻鴈去成羣

歸省元昆

何日江天酒重論別後文

居魏歲餘未嘗見江鄉故人今
無悔如雄過此相見甚喜席間
率成短篇呈之

經年大河北終日故鄉心入耳
欣吳語開懷慰越吟天寒裘領
薄日暮酒盃深早晚論邊策長
纓試請擒

新秋夜月寄故人

客心宜靜夜月色澹新秋影落三湘水詩傳八詠樓何窮對酒望幾處捲簾愁若問相思意隨君萬里遊

依韻和留臺崔庫部局中自遣

儒林文雅作蕭散欲揮金老去安時態秋來慰夙心誰陪黃菊酒自喜白頭吟賓客霜臺少詩成每獨斟

自零口夜至渭南縣作

月黑征途暗羸駒傍險行村遙微認火縣近忽聞更落

寞殊鄉意喧啾小市聲故園流水在想像見冰清

婦翁嘗宰

此邑作渠引水以溉民田今享其利

送長安僉判鮮于子駿還闕

相望蜀父老應嫌駟馬遲三冬辭幕府千里走京師富貴那能滯文章自有知關山含雪意別酒對秦姬

長安春日

白入雙吟鬢衰侵一病身年光不負老春色似欺人鳥破日邊霧花飄風外塵還將感時淚對酒灑咸秦

題光和年西嶽碑

瘦硬光和字崔巍太華碑鐫模森骨立點畫宛鱗差內有通神筆前無絕妙辭茅齋千載後玩古獨心知

唐嶽賢廟題名

華嶽金天廟唐賢石闕題姓名留篆刻冠劍落耕犁字
體諸家雜函封數驛齋幾行猶壯觀丞相討淮西

淮西與將佐
題名石上

斷碑

何代經兵火終年委雪霜文章誰黑白首尾自參商
琰那淪翠塵沙漸變黃人生異堅石撫汝重蒼茫

依韻奉和經畧司徒侍中上巳會興慶池

千載蘭亭後風流宛目前竹昏烟冉冉花泣露漣漣筆

洛詩惟將盃行酒有仙水邊佳麗少春草漫芊緜

杜工部有

三月三日天氣新長
安水邊多麗人之句

小閣西山落日

天地垂垂暮殘陽似有情未催全嶺暗猶放半山明
遠樹微茫見孤烟慘澹生流年從此老對酒急須傾

翻經臺

失道從僧指窮高聽鳥呼三山四迴抱一徑百盤紆
人事空今昔臺基儻有無吟邊嵐氣夕落日伴猿狐

題華藏環峯閣

精藍已塵外飛閣更雲端只見蒼山合寧知紫宙寬客
游追汗漫詩思等嶢岼大士安禪後何人此倚欄

羽師院假山

累石作危峯軒然曲沼中山形在眉曉人意自衡嵩影
駭魚蝦避路疑猿鳥通宦途尤巧險匠手莫言工

京兆府初赴同天節宴詩二首

四月薰風轉三天瑞景舒歌從歸啟後壽起祝堯初詩
喜南山對身甘北闕疎九韶音未作朝野自懽如
五帝今云六君王合萬年日長遲漏水風細駐爐烟想

像聯朝佩歡呼捧御筵喜深恩更遠不竭似秦川

哭王仲密四首

相逢初北闕並試復南宮失意春風裏謀歸汴水東行
藏他日異笑語此生空不掛青雲籍聲名野史中

羣居三益友再拜十年兄一別長南北相逢遂死生淚

流添渭水心折注江城聞訃悲尤劇書成僕未行

予將遣僕

持親朋書南去而君書在焉忽聞其訃

場屋行遲暮田廬卧寂寥壯圖藏翰墨高行落漁樵會
哭諸朋盛衒哀一奠遙繫舟江岸絕愁望定山潮

多金空舊產短褐盡平生蒿里閱春色桐江流哭聲人
憐天不與婦少子猶嬰如有山濤在應忘顧後情

依韻和酬鮮于子駿郎中見寄

昨在王公幕同時輒仰攀論情昆弟等知己友朋間渭

北孤交臂淮陽慰客顏

王公今牧陳復留兄居治下

長卿看駟馬父

老望西還

趙龍圖自西川攜鹿兒至秦相惠

軟毛金縷暗細點雪花勻林下遠思母階前愁傍人澗
聲微可聽野性漸能馴公惠成愚好他年伴幅巾

長老鳳師新作四照亭以其環顧洞徹無纖翳礙
目故名云從予乞詩因卽其說以寄題

大士安禪外孤亭曠望中物無形可遁心與境俱通日
月光應倍江山氣更雄寧須面壁坐到此卽觀空

留題太平寺

鄉落少人烟精廬獨巋然香花真佛界棟宇始唐年鳥
啄齋餘食僧參夜半禪清涼數畝地已是隔塵緣

留題東巖院

仁祠倚巖腹無處入囂氛古像棲深殿高僧傲白雲山

花暖自發谿溜遠猶聞我正爲名縛翻羞猿鳥羣

數日前伏蒙吳先生留飲旋辱尊什喜某之來謹

依嚴韻奉獻

昔荷齒牙論今猶骨髓淪報知虧國士高第濫門人墻
勿欣重到肩頭爲一伸却嗟夫子疾是日臥漳濱

依韻奉和司徒侍中仲春釋奠

先聖祠逾重尊儒世適丁上公儀最熟太學祭頻經曉
月衣冠淨春風俎豆馨魏人休請頌在泮已言形

梨花

舊愛樂天句今逢帶雨春花中都讓潔月下倍生神翫
好張瑤席攀仍贈玉人莫開紅紫眼此外盡非真

雨夜舟中

岸鳴連夜雨舟繫數家村防盜頻敲柝愁吟早閉門呼
兒陳小酌憶弟動歸魂安得清風起吹開波浪渾

御河舟中

浮舟不用力一水靜於山沙鳥晴相喚河雲晚更閒微
吟窮有象清思入無間河策誰云補從公漫往還

展

好在登高屐東西類此身遊頻齒幾折用久蠟還新晚
步憐今日幽尋憶古人莫隨珠履客且伴白綸巾

夜坐

城裏更籌急牕邊竹影微掩書雙淚迳撫事寸心違歲
月辜華紱風霜感彩衣陶潛空自賦何處有出歸

韓魏公生日

三秋開爽氣七月降元精致主鈞樞徧尊賢袞鉞輕顯
庸歸社稷陰相在神明漳水流無竭年年伴壽觥

九日

霜淨乾坤闊登高極古臺秋聲楓幾落客眼菊三開短
髮頻看帽寒吟間引盃籬邊空意緒難得白衣來

庚戌歲除

薄宦三冬暮殊方一紀餘笑歌筋力倦勲業鬢毛疎道
路紛乘傳軒墀逕曳裾無庸看半百搔首歲云除

依韻和張文通中舍寄韓師元判官

從容須陞對蕭灑待家居近閣從戎筆閒裁寄舊書青
衫逾一紀黃卷尚三餘聞說山齋好何時遂曳裾

送譚供奉

丹山靈鳳質偶別帝梧飛忽憶華林好還收倦翼歸綠
深宮樹合紅薄苑花稀重到迴翔地卑棲嘆昨非

次韻仁叟禁中清曉

禁廬休夜直瑞靄向朝敷華闕辨雲氣紫宸低斗樞帝
梧鳴彩鳳宮漏息銅烏日出將臨辰天光冒海隅

送陸覃校書赴選西上

朝飲送春酒暮吟傷別詩予愁鶯語亂君興馬蹄遲五
府何時辟三銓會早辭回鞭晉陽道不負細侯知

次韻盧六員外避暑

城市苦歎暑辱涼到水窮環林得高蔭解帶取微風渴
肺舉盃緩汗膚兼酒紅當年河朔會舊事豈全空

中秋京師對月

今夜皇州月秋光共幾分未全成皓魄猶勝隔浮雲白
髮愁偏照清樽喜獨醺遙憐江國弟北望首應勤

悼承天月禪老

祖意生來達詩心老去專傳燈與誰子絕筆在何篇朝
客散談席野禽窺法筵唯應軒北石秋後自依然

送蹇碯翁都官赴倅梁門

予與碯翁同年進士南宮同舍復北都幕府交

承

共昔登龍客仍今同舍郎後先趨帥府南北重離觴塞
角催秋月邊烽落曉霜軍城看趣召能久賴王祥

久雨初霽對酒偶作

彌月窮山雨昏昏氣蔽天南榮初見日萬瓦已生煙節
物驚殘臘懽期減去年愁來搔短髮對酒且陶然

仲冬十六日祭馬步

提傍轡險徑喜隨雙炬紅薄雲籠淡月苦霧捲巖風馬
害誰云屏神休覲所蒙晨門未開鑰殘夢續齋宮

齋宮獨酌待曉入城

青燈頻照面黃卷懶低頭危坐自醒醉孤斟誰獻酬簷
前落星宿城裏息更籌上馬卽塵事欲歸欣少留

贈杜諮秘校

唐代詩人傑家居世杜陵祖風今不墜君學善相承氣
直橫秋鶚文雄絕漢鵬風騷如命將壇復讓誰登

杜以詩和答依元韻贈之

子美沒已久正風幾替陵上天憂道喪遠裔以詩承鶩
足輒追駿鷁心聊慕鵬微之重堂奧努力願同登

送范令巽之赴陝縣

陝人西望眼唯認馬蹄東柳縣追陶令棠郊謁召公問
農游手勸聽訟下情通千載萊蕪後傳家有素風

送同年張正臣赴海陵幕

早年登甲選從事又東藩地與淮流絕城連海氣昏好
山供健筆暇日樂清樽多著太平策歸來奏帝闈

寒爐偶坐戲呈任道

人事車輪轉年光木葉催交情論晚歲生意共寒灰未
足勝寬褐那能煖凍盃知君尋氣類不爲附炎來

依韻和仲靈禪師喜賈丞相趙翰林見稱輔教編
之什

浩蕩藤州老雄文鼓大編聲名元自重述作許誰傳成
誦慙空久相逢偶未緣承明內外相交口舉師賢

送覺上人還雪

下山風月古秀發在詩人之子含清骨禪師託後身千
篇收篋葉一夢繞鄉蘋知已大丞相無勞揖縉紳

依韻和彭九及之歸養之什

江南春自好蜀客亦思歸淚與花俱落心隨燕共飛露

章還子舍孝理副宸闈禁署風流後謀漁未有磯

送宣州太守沈司封

宣城從古勝謝守擅風流夫子名當世君王付此州訟
鈴閒郡閣吟筆動江樓莫憶窻中句能詩今隱侯

送王天常太祝詩

雨洗春枝冷鷺愁晚更啼感時雙淚落送客片帆西淮

隰逢鷓羽

令弟秘校
先之儀真

京塵縱馬蹄有才無殿課安穩步

通聞

方殿省示惠遠祖先先生詩集

先生名不死三百幾年間白首吟唐世清風起越山遺
編流自久異代許誰刪遠裔傳能事斯文氣欲還

屬疾

壯懷衰獨早樂事病全稀靜聽聞花落欹眠見燕歸冠
裳成外累塵土汨真機強起親曹事遙慙舊隱扉

予累日卧病適張文通惠教亦云服藥漫成小詩
呈之

功名心寸折歲月鬢雙蓬病畏酒杯綠愁憐花藥紅杖
藜成暇日行樂步春風唯有張公子翛然此意同

暮春被病感書

孤直難知已才華反誤身
 流年銷壯節多病對殘春
 酒到心如蓮花空眼亦貧
 賢愚通塞理誰與問洪鈞
 聞升甫南池觀魚所獲無幾戲成小詩奉呈
 巨鱗非尺澤多目漫污池
 網漏從今日筌忘復幾時
 饗人顏慘淡漁子興參差
 豈似任公捷羣鰲一釣絲

病起觀盆魚

戢戢駢頭戲悠悠掉尾行
 莫言盆盎窄猶勝網羅橫
 競觸浮萍亂時吹細浪生
 嗟予遭病縛羨汝遂微情

送王明叟赴秀州決掾

去去持丹筆當官議是非
 壯心低仕路戀涕濕親衣
 汲浪檣烏急吳霜稍蟹肥
 論文杯酒後從此古人稀
 行叟權秋掾比回正老以
 詩寄之因次韻奉和
 郡獄乏掾屬君才盛府依
 犴牢煩暫掌鸞枳復卑飛
 盡室輕裝去新吟滿篋歸
 風流傷別處粉淚洒紅衣

送石亢之節推赴廬州幕府

執政昔曾祖滯才今令孫
 三遷纔大幕萬石已高門
 阮瑀妙草檄毛公深雅言
 度支毛伯相從賓主樂淮月共

清樽

送子立榮侍南歸

有客就征驂風前別酒酣
慈顏依膝下歸意滿江南
去路草初歇到家梅正含
短書無惜寄別後抵清談

上何太宰生日二首

斗杓西揭柄南呂已飛灰
芝室占熊夢蓬山挺梓材
世欣金鷲見人慶玉麟來
天意非難料行看位上台
皇穹符寶運嵩嶽降真賢
明月中秋後黃花九月前
潭潭新紫府疊疊舊青甍
遐想靈椿慶春秋合幾年

漁者

身世扁舟裏飄飄可奈何
萬生勞白日一笑屬滄波
闊網施能幾閒機用未多
予顏自憔悴莫作楚臣歌

對雪六首

幾尺江東雪同時戶北風
全家愁坐外寄命苦吟中
已分書帷冷偏憎酒盞空
漫將豐歲兆去問白頭翁
草樹驚全失山河望轉非
片時藏地險底處極天圍
樓半輕相逐簷前急自飛
乘風還有意故去點人衣
飄洒三冬暮蒼茫一氣凝
寒威斗自壯空色曉逾澄
狂

走尋岡兔飢呼失樹鷹年來交態淺有興卽誰乘
影亂侵書幌花輕灑酒盃襟懷同落寞氣象亦崔嵬屢
折參雲竹偏凌照水梅紅爐方爾附未可論寒灰
色浮千里白氣逼萬家寒獨鳥飢猶啄癡兒喜自開向
風初舞急入夜轉聲乾此味同誰冷吟窓映素冠
朔風吹不盡顛氣人無間市井人喧息江湖鳥翼頑酒
邊驚晚歲吟外失羣山溫室便高卧明朝任塞關

次韵答承天月長老

方外得師晚相逢出古心交成真合水意在始知琴官

路塵泥久禪局歲月深清風吟絕唱一誦快煩襟

塗中書四十言奉寄武陵則師

師有知人術一言珍萬金聖門防取貌吾道素論心越
樹秋聲起武陵歸思深桃源千載事此說更難尋

書香巖屋壁呈寺主隆師

莊嚴模淨域金碧照晴霓土木有時竭樓臺無日低林
泉藏好處巾履得安棲我媿陶彭澤煩師數過溪

詩送長老芝公歸靈洞

昔以醫名著今茲祖意傳衆生如不病大士自安禪貌

等澗松古性同山月圓應防猿鳥憶卻指舊林泉

贈淨土嵩長老

林泉久安住心境兩無塵禪外牽餘想詩中老此身虛
懷延海眾雄辯服談賓偉特如師少相逢悟宿因

贈霞長老

大士本宿植妙年離世紛定心馴海鳥詩語淡秋雲與
物曾無著收聲恐有聞唯將諸祖意晚歲導迷羣

酬齊上人

不見湯師久病眠時序深忽驚朱夏過真負碧雲吟他

日虎溪約同時鳳闕心未應論去住杖屨且相尋

景山無思二大師重和鄙詩復依前韻奉答

西北塵游倦東南野興深帳空慙鶴怨山暝憶猿吟大
士真交臂連篇契夙心會須携蠟屐雲嶠陟千尋

送臻上人還雲山

半歲風埃地終朝雲水情身兼飛錫健眼向故山明不
改禪衣色從來野屨輕煩師伴猿鳥兩耳厭車聲

詩贈圓公大士

恐是逃名客因爲出世流人間雲不定心外佛何求醉

喜形骸放詩嫌偶對囚我應遭竊笑聲利乃身讎

仲靈禪師以詩見邀輒走筆依韻附還使奉和

世好元難合便甘或棄辛喜師同肺腑偶爾異衣巾文
約常牽俗詩情遠過人相邀松下別山意入秋新

送李講主還維揚

定憶娑婆樹雙垂滿地陰完有雙樹春風吹社燕歸意逐淮

禽帆落橫江盡門開小院深先搥大法鼓續震海潮音

師之來杭實幹法鼓

仁宗輓歌詞四首

未乾宮硯墨猶暖御爐烟雞唱空催曉龍飛忽上天攀

髯三月暮洒淚五雲邊盛德無容報塵埃萬壽篇

飛帚飄宸翰廢歌縱睿才歌懽三閣燕聲轉兩宮哀人

世金滕祕天門玉鎖開年年初夏月寂寞壽山杯

輕徭寬日力橫費惜秋毫臨諫天容睟尊賢聖體勞乾

坤收化育弓劔入悲號十月西陵仗愁雲隔赭袍

聖運一千載君臨四十春寶圖先與子妙斷獨如神瑞

表虛南極哀聲動北辰天鍾堯舜性廟號訖稱仁

石太保輓詞

許國三朝老傳家萬石君乞骸章未報沒齒訃先聞挽
鐸搖秋露銘旌卷暮雲龍岡逢吉壤馬鬣寄高墳

王廣淵郎中輓詞

一門新茹痛八座近云亡凋謝仍賢者風流失聖郎葬
帷籠淡月挽鐸訴清霜祖烈繫誰紹三槐老北堂

王子直輓詞二首

流水身飄忽青雲意闊疎儒林看作傳使者合求書野
月隨丹旆山烟濕素車寢門今日淚一灑為無餘

王氏仍淮水賢人滅潁川風流今盡矣天理舊茫然親

涕霑封篋交情動絕絃公卿誰不到偏天賈生年

晉陽郡君輓詞二首

畢丞相之孫諫
議宋大夫之妻

法度居無失圖書動有稽不借君子老空美大夫妻淡
月臨新兆清風在舊閨哭聲摧隴木山鳥學人啼
夫賢微子後身貴畢公孫獨棄斑衣養空餘象服尊悲
風纏挽鐸苦霧濕銘旌誰謂靈香驗何曾見返魂

臣吳玉綸恭校

補部集卷六

宋

強

至

撰

七言律詩

立春

北風已作東風客
昨日何如今日暄
造化有期尋萬木
陽和無迹走千門
土牛陌上摧花杖
玉燕釵頭綴綵旛
獨我題詩添意緒
又看殘臘委冰痕

春日山中感懷

春色酣酣破宿霾
春心袞袞瀉長淮
無情草樹相看久

得意親朋一笑乖世俗冰霜誰暖眼古人金石已枯骸
愁來獨對青山坐唯有東風入舊懷

贈楊尉純甫

君家茂族出關西壯氣長於萬丈霓羣鷗羨鵬舒海翼
衆鷩觀驥騁霜蹄詩才多慕謫仙逸宦緒猶嫌梅福低
千里霄程方策足莫云今日是卑棲

若師院詠筍

戢戢新芽迸舊林纔生有節便虛心已鄰佛界黃金地
更學仙家碧玉簪失灌要須防倦僕偷餐切莫聽飢禽

憑師養取成脩竹截管終令作鳳吟

席上次韻純甫牡丹

絕艷濃香一倍繁青春歸去已珊珊障風護恐檀心損
和雨攀應玉手寒今日我來頻舉爵明年誰與共憑欄
盛傳京洛多名品未得尋芳洗眼看

寄湖掾楊浩然

新持手版茗溪掾應恨浮名別故鄉澤國幾瞻飛鴈序

令第八
濟在杭

春風自入墜鱸堂坐曹未改生平好開卷能如

往日忙龍首主人監郡樂定蒙賓禮考文章

送春

年年不會春來處疑自深紅嫩白間今日却從何處去
明年依舊待君還不堪眼見鶯花老安得心同木石頑
身外韶華猶可再其如綠鬢與朱顏

經和靖林先生舊隱

獨行先生舊隱荒大名寧受一棺藏能詩秀骨應無朽
近塚閒花亦自香卷軸門人收篋笥歲時族子奉烝嘗
隱居不娶諸族承祀逸民未許先賢傳猶說梁鴻有孟光

贈陸元象文學

漢世最優文學掾因君官稱復榮今青春事業收名路

白首光華照士林風月每邀花底醉乾坤共老水邊吟

安車正好追先烈子舍唯增二白金

陸賈五男今君愛嗣六人

依韻和陸丈瑞香花

花下詩翁已富情愛花相詠句還成纔開秀格能殊衆
到老清香不負名世上流芳歸幾處江南傳價入中京
乾坤定是憐馨德那許風前趁落英

競渡

畫鷁追風千楫動錦標翻日萬人呼驕龍戰水爭先後

采蠟橫川半有無
波底魚蝦愁破窟
岸傍車馬看盈塗
競心猶出功名下
吟倚扁舟進一壺

謝純甫惠筆

勁管毫尖匠製宜
故人珍贈我何爲
分殊定遠初投日
得以文通舊夢時
大手媿無才翰用
正心惟見友朋規
紛紛紙尾方勞著
辜負詞林視草詞

次韻和純甫秋陰悶書

乾坤泱泱作秋容
節物情懷兩莫窮
山雨欲來陰竟日
溪雲不斷氣浮空
賴仔樽酒時傾綠
更有歌裙可醉紅

偶爾登臨愈興感
朱顏容易變衰翁

再次前韻

掩暖秋旻氣象濃
對時覽物兩無窮
纔開又合烟光重
欲落還收雨意空
直恐客頭先老白
却思日脚帶斜紅
天真不擾無餘感
誰似前溪下釣翁

純甫出近郊以梅花未開成篇見貽因次元韻奉

酬

朔吹鳴時萬葉黃
獨留瓊藥擅幽芳
水邊野外開雖晚
臘後春前賞未忙
素艷若敷應雪妬
嫩心猶悶已風香

此花更是梅仙詠消得花間飲百觴

過練湖

湖畔難尋使者麾湖光猶照旅人衣氣蒸澤國能無潤
隄貯雲天別有圍楊柳經霜相對老鳧鷖飽食自由飛
繫舟索紙題詩句更把閒愁付落暉

題吳山伍子胥祠

江上胥山古木陰祠堂氣象亦蕭森江雲不散憂君色
山月猶明死國心遷史簡編今斷缺吳人牲酒日肥深
鄙懷異代悲忠烈一拜威靈淚滿襟

資國山口石橋

前日枯槎接斷溪今朝白石跨完隄牧兒靜立牛磨角
詩客閒驚馬駐蹄澗雨漲來流淺瀨山風掃過斷纖泥
十家豈乏相如輩當有人從柱上題

立春

魚尋細脉上輕漸鳥趁微和哢好枝多病強傾春日酒
苦吟還接暮冬詩江南信息梅應樂京國風流柳未絲
最有佳人隨節序釵頭綵勝競垂垂

送朱郎中得謝歸淮南二首

一束衣冠四十春，公今收得自由身。
朱顏出任看同輩，白髮歸榮有幾人。
何處覓金分素里，只聞行路羨清塵。
扁舟急解隋河纜，猶恐京埃汙葛巾。
天香猶在入朝衣，早見都門解綬歸。
晚歲高風增慷慨，今宵列宿動光輝。
誰供白酒開談笑，自向滄洲洗是非。
從此淮禽相看喜，沙邊不復背公飛。

次韻酬荅胡一之

六科頓網索豪雄，巖穴賢羣爲一空。
夫子獨沈窮巷底，故人多列要塗中。
君之交游多在顯貴志行應在功名早，欲大難

爲富貴充年未平津，學晁董佇觀畫錦耀江東。

立春輦下作

雪意徘徊收臘尾，風光迤邐上花梢。
強傾浮蟻嘗春酌，終似南禽憶舊巢。
愁裏年華侵短髮，吟邊生意滿東郊。
玉盤絲菜無消息，索寞空齋畏客嘲。

早郊依韻和擇之惜春

何門織婦爲春魔，幾聽啼鶯暗輟梭。
美釀入脣宜莫算，芳期屈指已無多。
近風柳絮飄都盡，著雨花枝落半過。
正好狂歌對餘景，休因節物嘆蹉跎。

寄陳介進士

聖門顏子最稱貧猶有簞瓢奉一身
罕似飢腸游太學
獨將生意託洪鈞
常時閔笑遭流俗
今日依歸得主人
早夜從容諮遠誼
切防事業去青春

次韻和秋扇

形如圓月色欺霜
曾許佳人掩面藏
袁守揚風方慰愜
班姬中道忽悲涼
自知掌握初經用
豈顧塵埃此暫傷
只恐來年清暑殿
別將紈素上君堂

月卿大師以書抵予言到自永嘉今將還杭因索

詩送行聊書短章塞來請之勤

京洛多年作意遊
瞥然歸思滿林邱
塵衣纔洗吳中水

吟錫還尋海畔州
還杭未幾復游永嘉
獨夜揮絃泣山鬼
師能琴
幾

旬談妙動藩侯
溫守劉侯延師諱經
孤雲高跡真無定
又理輕裝

買客舟
由永嘉赴婺女復將還杭

菊

花濃新出黃金鑛
枝軟輕垂綠玉條
正色逢人何太晚
清香到酒亦終朝
籬邊此意同蕭瑟
霜後無言對寂寥
凡卉不為孤艷地
淵明真賞欲爭邀

立春

殘臘新春判此朝斗寒猶未動寅杓白催曉色融冰片
綠轉風光入柳條絲菜落盤隨玉手縷花垂勝壓金翹
六年不見江梅影長覺歸心似旆搖

次韻丁評事春雨

溪樓燕子懶飛飛一鼓輕雷驟作威細濯林花紅抹淺
低蒙岸柳翠光微偶穿縱步尋山屐且解銷憂貰酒衣
華表有人還未得更堪取次送春歸

送王文玉歸浙

插旗打鼓放船頭二紀蓬萊一夢遊回首誰能顧庭鷺

收心自可近江鷗盤堆玉縷鱸初膾盞溢金波酒旋筍

嘉興酒有
名金波者

摩詰定懷廊廟弟新詩未免到皇州

維弟
縉也

依韻和達夫泛湖之作

雨意隨雲却上天山頭已掃欲晴烟柳條不盡空圍岸
荷葉猶新未礙船時序百年催樂事乾坤一笑入詩篇
主人著姓平原後莫惜金樽醉綺筵

賈麟自睦來杭復將如蘇戲贈短句

春風那解繫狂遊朝醉桐江暮柳洲大手千篇隨電掃

孤蹤四海學雲浮榮名不落閒宵夢退築聊爲晚歲謀
老橘殘鱸猶有興片心還起洞庭舟

題於潛張明甫愛拙堂

高洒潛川愛拙翁堂閒雅與拙情同宦塗耻用機心達
聖世寧爲直道窮千載姦纖羞白骨一時夷坦擅清風
邑人三歲觀賢化巧詆銷萌訟館空

月夜與陳行父楊公濟吳常甫出詣蔡子難

月色無雲喜共看葛衣藜杖到君邊宦遊易作浮雲散
入事難同好月圓菊露凄清吟可老竹風幽洒坐疑仙

明年席上天南北

行父常甫各將赴治

合破高齋此夜眠

丈人生辰

纔過中元九日期人間最重早秋時當年毓秀凝天粹
此際生賢作吏師候屬銓行資義節氣鍾庚宿究兵奇
願公大用齡盈百歲歲長吟祝壽詩

依韻和楊公濟喜嘉定帥王待制移成都

把詔心先劍外飛一身與國繫安危玉關落日辭金印
錦水春風轉繡旗歷見本朝歸秉軸多由全蜀出分麾
少陵漫爲知音喜行到花溪已恐遲

聞楊公濟冒寒訪契嵩上人

凍雲朝濕萬峯寒
鑿齒辛勤訪道安
世外更無吳水石
林中還有晉衣冠
襟期飄灑隨煙靄
詩句縱橫出肺肝
見說松門長不鎖
夜涼猶過別山看

楊公濟歲暮惠酒

紺餅白酒下吟堂
洗盞傾甕肯漫嘗
寒屋自融春日面
煖盃能轉少年腸
山妻相對驚愁破
稚子無端笑飲狂
百歲光陰空自遠
醉時苦短醒時長

經春久雨未嘗尋
芳舟次黎驛始見桃李花紅

成陣愛而有題

春風不散三冬雪
暖日猶明五月霞
病眼漫開常見雨
客顏新破始逢花
故園何在情還劇
舊驛空存使轉賒
白白朱朱今頗驗
退之詩句亦天葩

曉出

一聲殘角繞千門
霜氣涵空亂宿氛
車馬往來無僻地
星河收去有閒雲
予生慘淡身宜佚
人事崎嶇足反勤
漸喜太陽浮海面
羣鴉鳴噪尚紛紛

依韻和酬楊公濟澄江見寄長句

子美幕中瞻暇日喜傳幽事到京華地偏浙水開孤壘
風散江雲覆萬家日出魚蝦來早市潮空鳧雁落晴沙
羨君吏隱能終歲却恨吾遊未有涯

九日至嘉禾

赴泗州理
揆途中作

登高時節異鄉中回首家山隔亂峯白酒莫辭今日醉
黃花不似故園逢苦嗟節物經秋老贏得情懷為別濃
却愛紫微詩意好笑歌開口強為容

杜牧有塵世難
逢開口笑之句

知郡都官示答盱眙周令詩有感而作

臨淮郡事素稱繁太守才明此典藩每歲欲甄羣吏狀

是人思出大賢門孤生自恨方趨走未跡無緣被薦論

異日願公持大柄畢身猶足望洪恩

送前水監王仲賢郎中赴闕

素節清名照水臺夷塗行騁忽徘徊驚人險句何妨露
向闕丹心未可灰馬勒春風朝弁集雞呼曉日禁門開
從來早賜清閒對不信君王肯棄才

病起偶書

病眠官舍趣方高強起區區視冗曹當世織機漫蝸角
除身萬事盡鴻毛田園歸去古稱達軒冕儻來人自勞

汨沒青衫踰壯歲窮通一任大鈞陶

感懷寄楊公濟

身世飄飄水上萍時情暗淡草邊螢百年日月空憂喜

一笑乾坤任醉醒此外浮沈俱委命相逢汝我即忘形

尋山各有襄陽馬莫遣題詩筆暫停

冬盡日睢陽感事

天邊秋緒細如毛眼底詩情付濁醪張許忠魂空日月

河隄巡遠雙廟在焉鄒枚樂事委蓬蒿積成鄉思心頻折送盡年

華首重搔杜子南賓猶此日主人恩意覺徒勞

依韻和尹嗣復仲春會食船場

野色寬圍四繚牆一穿林徑百憂忘濃花細草青春半

語燕遊蜂白日長寄興不知詩筆倦惜時猶喜酒杯香

席間數點殘英墜萬片隨風此濫觴

次韻酬禮之見貽

慶歷天王設羅網君時遺俊我登科當時未識名猶熟

此日相逢分固多摩夏青雲知志在驚嗟素業休時過

朱顏皓齒偷歡處暫置功名在酒醅

再次韻禮之見貽之什

傳家素業志雄軻烏足區區羨決科以道自尊今古少
不才而第葦麻多聖門奧闔期君至賓館清談許我過
文酒有時留劇飲長教阿買到醺醺予不善飲
次韻禮之淮上吟
泗上風宜舊罕傳邦人誰說貢鱗鮮隔淮小市若古畫
接楚遠山疑宿烟民舍卑窪多困水農疇磽瘠少逢年
顧予居里號繁勝舉目只爲鄉思牽

董役河上風霾繼日

春遲地冷日蕭騷野曠林疎風怒號畚鍤一聲趨蟻垤

旗幡四面落鴻毛黃埃成穗坐還積綠鬢欲絲歌漫勞
暫閉柴荆如避寇江湖歸思入魚飴

排岸判官以荷花爲祝書五十六字以謝

江國芙蓉夏最繁臨隄每見尚盤桓清淮况是稀疎有
紅萼爭教取次看曉艷不隨生意絕孤根寧減舊時安
主人知我江鄉客弗忍池邊獨自觀

九日上兵部

重陽無酒上高臺冷對西風笑幾回雖信佳辰從古重
不知今日爲誰來忽聞天外清歌發云是淮邊曲宴開

自歎弗如籬下菊此時翻得伴吟杯

謝徐屯田惠海味

儒腸多病怯肥羶海產從來獨所便
淮甸風宜乖素嗜江鄉水品憶經年
分甘已佩公情重加飯寧須俗禱虔
食箸不停資大嚼免教饒吻鎮流涎

常尉攜酒饌就部役所見勞

酒蟻清香綠盞飛河魴雪縷玉盤肥
三春花草殊南北一笑乾坤外是非膏
血生民勞服築筋骸薄宦走都畿
陶潛此日方庸甚那管籬邊遇白衣

詠鴈

乾坤搖落滿風霜候鴈來時道路長
玉塞哀音驚遠戍滄洲寒影伴殘陽
燈前客鬢愁雙白天外鄉書斷一行
莫倚善飛江漢闊暗中增繳絕須防

立春後連雨

春風自動故園枝未見終朝不雨時
遮莫年光浮水嫩定應春色上花遲
山川慘淡隨人意車馬艱難誤客期
萬瓦烟青猶足慰始知井屋有晨炊

春日感懷

壯年不覺登三紀正月如今過一旬人壽短長難定準
春期九十更逡巡縱當簿領無餘暇自合眉頭且強伸
况值山城公事簡不謀笑飲是癡人
獻和府張少卿
當年直氣吐虹霓因使平津位晚躋大筆驅馳爭化匠
織機擺落得天倪名隨婺女雙溪遠詩壓休文八詠低
官是諸卿郡山水志完寧獨在公圭

邑齋偶書

作邑窮山奈拙何簿書期會損天和
卻緣衆醉獨醒甚

翻覺同舟敵國多豈顧有人張巧舌
第憂無術拯頽波
偏親垂老妻孥少獨媿淵明歸去歌

寄題甘露寺文岳上人環翠閣

鐵甕城邊古道場近來人說贊公房
江盤北固山形轉
雲抱南朝樹色蒼
世外青鴛誰結構
坐間紫鶴自迴翔
十年滯客空吟想
未識諸天在上方

送呂貫中

陋邑相逢樂且敖一杯纔了又丹醪
酒因校戶知君大
碁爲論饒覺我高
忽對溪山揮別袂
却憂碁酒寡同袍

勉哉各努當年力無使功名見二毛

寒食值雨

山城寒食已冷落更值暴雨過園林餘花似對晚春泣
好鳥時傍殘枝吟況逢節物宜笑飲莫待老大惜光陰
明朝雖晴未可出溪水溢路浮泥深

郡判鄭世表庫部奉使陝西

心馳關右氣軒軒笑著征袍謝別樽面對延和知遠器
力城東洛是名門邊需前去勞多算疆事歸來聽一言
洮隴居人瞻漢使此行知不爲河源

久雨不果行樂偶書短篇自戲

年來窮山少見日十日陰雨一日晴春色于人既無分
酒徒與我宜違盟林花及時亦自蕊山鳥應節猶知鳴
況復吾生異花鳥何爲對景如忘情

粹中先輩以甘雨時降兆爲豐歲過形雅什猥推涼德輒次元韻以荅來貺

字人無狀序宜愆何意天心獨不然甘澍未嘗差十日
豐儲應使足三年井廬但覺塗歌溢水旱寧憂牒訟煎
自是化工蘇百穀誤褒多謝邑中賢

元卿舟次丹陽讀予與諸君前年送別聯句因作
以道南還愆期之意遠垂寄示軌依元韻和荅

歸舟南過練塘時重閱前年送別詩人世闔棺方始定

客程流梗固難期君還甲開尋三雅諸君尚在東白我尚山城

守一枝今予獨處浦陽涵碧春來應倍好何緣吟對舉清卮

以詩還府推楊學士無爲編辱佳篇見荅謹次元

韻和酬

貪諷高吟日幾回辭珍轉覺意逾瑰子雲天祿慙餘地
工部花溪揜舊才渴肺喜因秋水療病眸驚對夜光開

今朝那獨誇榮貺更貯私囊耀後來

秋日詠樓感懷二首

公踰四十歲方強未怕秋風作鬢霜人物此時仍富樂
襟懷無事可悲涼嚴塗行取青氈物末路寧同白首郎
滿目溪山宜曠望醉提北斗挹霞漿

搖落秋旻一望長浮空顥氣白如霜樓頭待月郡城晚
水底有天江國涼却恨人生如寄客未容年少卽衰郎
除非爛醉酬清景莫惜千金換斗漿

和人食橘

洞庭一夜落清霜。枝上新苞葉底黃。摘去金沙搏作顆。
剖來玉露結成囊。嶺頭梅小酸無味。渭北梨麤冷欠香。
合薦甘馨調鼎實。未宜登俎奉君嘗。

戲贈孫師尹

是非不到酒樽邊。樗散誰呼小謫仙。天上浮查空有路。
人間種秫獨無田。花明綠野吟毫秃。月近青樓飲帽偏。
姓字未勞金簡記。聖經方倚大儒傳。

程舅夜見過

風雨衡門此夜開。羊曇喜報謝安來。病眸強對題詩燭。

感淚頻添話舊盃。江上索居空歲月。涓陽故事未塵埃。
不眠且聽寒更坐。日夕相過復幾回。

苦寒

南雪今年幾尺高。林飛墜走亦嗷嗷。閭閻易冷無烟火。
巢穴雖空有羽毛。對客懶能傾凍酒。令人自媿著溫袍。
何當萬丈縫狐貉。寬作良裘覆汝曹。

謝知郡郎中惠酒

祿鍾不滿俸錢慳。伏臘纔周聚族艱。僅足晨羞供色養。
未能日飲樂慈顏。醇醲獲奉偏親壽。珍重緣從太守頒。

詩雅百壺誇寵贈豈如公惠敵邱山

梅

墻邊幾樹玉參差照眼幽花冷自宜香陣晚交風破蕊
粉花朝濕雪融枝故人消息從誰寄造物生成似我遲
且慰蹉跎盡詩興江樓閒笛不須吹令人自歎蒼生

寄劉道秘書

夫子文章老更工六經俱達一身窮為逃州縣時情薄
不問田園歲計空別酒正思傾夜雪書郵忽喜寄春風
遙知父子傳家樂却笑當年論異同

子舍賢良
尤得家學

春盡

江花飄去不留春海燕飛來獨語人局促年光花過眼
飄飄生理燕謀身壯懷已入雙蓬鬢樂事還成一窖塵
唯有濁醪存妙趣不容憂喜擾吾真

涵碧閣東陽山水佳處予聞且久獨未能往近得
進士與邑官唱和詩讀之景物依然如暫經目因
次元韻附諸篇之末云

山水相和碧色鮮中間飛閣插雲端水聲噴薄如孤瀉
山勢巉巖復對盤陰恐昔人精魄笑

劉禹錫方到疑盛
干詩在焉

夏骨毛寒流觴已往雙魚在懷古探奇兩事干

依韻答元卿

手把周詩媿暗投爲論昔會覺難酬巨盃旣醉行無算
大句相應敵固求別後溪山應故態近來寤寐憶前遊
致身不早真吾耻猶喜清驪尚黑頭

某蒙太守盧公惠酒因作詩以謝公子仇香遽賜

光和復次韻叙事酬答

予懷天地惠何慳賴有仁侯念拙艱塵土未嘗輕俗狀
風霜多爲霽嚴顏兵厨美釀纔嘉貺子舍清吟繼寵頒

詩酒而今諧素嗜更兼春雪滿羣山

張君枉道顧予因書短篇以答來贖

煌煌肉食有高冠附者如馳順坂九吾子與時誠異嚮
窮山爲我肯相看更煩溢幅投璣琲自媿無門借羽翰
努力壯年求祿仕而今行路倍云難

某前日以鄙詩叙謝通判國博特垂寵和謹復依

韻上答

夫子文章却異端橫流遏盡見平湍間於風雅能臻極
粹甚圭璋不假刊累句輒嘗論盛美賜篇還與作榮觀

起予自媿無商學何敢言詩向杏壇

送同年周濤赴吉幕

廬陵風物素稱繁幕府雄誇列郡間從事有才詩筆健
平時無警檄書閒清唫良足償風月曲宴應頻醉髻鬟
行矣功名及年少未宜留意屬江山

和通判國博和金華著作陪知府少卿遊北山韻

盛府年來訟鉅空等閒深入亂雲中驚禽引避前驅旆
寶刹幽尋數畝宮飛蓋塞塗溪影雜行歌聒地谷聲通
東陽屈指風流尹前有休文後有公

莫向早秋喜雨

風吹早葉作秋聲涼氣微從雨脚生赤地黃埃歸一洗
寸心遠目覺雙清乾坤應救街前膈黎庶如逃釜內烹
我喜南窗無俗物葛衣飄灑體還輕

東陽九日寄浦江同寮

重陽獨步上層巖目斷吾疆尙載瞻人世只能愁杜牧
菊花豈解憶陶潛唵無舊友辭多感飲爲佳辰量倍添
旅宦七廻逢此節旋銷壯歲似磨鎌

次韻國博九日

秋光未老已風酸還似春來料峭寒酒殘莫辭今日醉
人心況是在時權佳辰從古逾金重遠岫登高見黛攢
且學牧之開口笑休因菊粲淚闌干

白傅有眼看菊
粲重陽淚之句

東陽吳氏昆仲並薦詣闕

予昔嘗推二子能試篇每出輒嗟驚文章節日開鵬運
兄弟同時醉鹿鳴樂善自憐心不負知人獨喜眼偏明
來春早附登科錄甲乙應聯舊姓名

題公節醉鄉亭

莫向醉鄉尋畔域古今容盡太平人沈酣天地來同處

脫略衣冠去卜鄰一境斷無車下土四時惟有甕頭春
虛亭未敢從君飲猶欠陶公漉酒巾

冬末郡學感懷和韻

我向榮塗倒足行折腰尚可代深耕嗟君二紀差高第
猶爾三冬伴後生壯志幾多成墜鵠明年四十趨啼鶯
金章袞袞從韋布窮達何時不遞更

先生蕭瑟半塗休一跌青雲不再收名歷班行來衆毀
 弟酬兄唱饒才思珠玉同携滿袖歸
 依韻和張叔毅讀柳先生文
 春色纔從野外知柳陰花氣煖霏霏出林啼鳥逢人住
 掠路游蜂傍馬飛薄宦塵埃空自晒長陰風物阻相依
 先生蕭瑟半塗休一跌青雲不再收名歷班行來衆毀
 弟酬兄唱饒才思珠玉同携滿袖歸
 依韻和張叔毅讀柳先生文
 春色纔從野外知柳陰花氣煖霏霏出林啼鳥逢人住
 掠路游蜂傍馬飛薄宦塵埃空自晒長陰風物阻相依

臣吳玉綸恭校

補部集卷七

此今特邑水朱

強

至

撰

七言律詩

依韻和令綽兄弟春日出郊

春色纔從野外知柳陰花氣煖霏霏出林啼鳥逢人住
 掠路游蜂傍馬飛薄宦塵埃空自晒長陰風物阻相依
 弟酬兄唱饒才思珠玉同携滿袖歸

依韻和張叔毅讀柳先生文

先生蕭瑟半塗休一跌青雲不再收名歷班行來衆毀
 弟酬兄唱饒才思珠玉同携滿袖歸

筆鏡造化起天讎。王韋黨破誰爲地。柳播風殊願易州。
廟食羅池今尚否。滿編遺韻掩鳴球。

呈陸革進士

魚沫遇窮能一煦。鶯聲得意亦相求。近來無復友朋義。
獨善頗爲魚鳥羞。今日指心論皎皎。明朝掉臂逐悠悠。
世間唯我交夫子。憂喜同懷二十秋。

遊華藏寺

我今作邑水雲鄉。一到猶疑換俗腸。況在塵區正紛汨。
乍來法界得清涼。松筠鎖霧姿逾秀。樓閣摩霄勢欲翔。

更卽高僧叩空理。功名富貴盡毫芒。

其然豈其然乎

書吳江垂虹亭

千尺危橋跨浪雄。壓橋虛閣勢凌空。直疑有路通銀漢。
又訝橫天臥玉虹。盡挹江山歸醉目。獨開懷抱向清風。
却嗟景出天隨後。不得當年一詠工。

登陸氏書樓

塵土長愁舉眼低。轉身今喜近晴霓。天邊牛斗開吳壑。
鳥外山川走越溪。擬解醉冠從此宿。恨無健筆爲君題。
牙籤繞架藏書滿。知與青雲別作梯。

依韻和答陸革進士招飲池上詩

主人愛客掃林亭天影波光相與明
蝶傍池邊飛舞慣鳥從花上往來輕
滄浪傲世不復羨鷓鴣妬春惟欲鳴
能趁繁枝開熟釀先拚黃帽爲君傾

送張叔毅北歸

公子姓張天上有少年如誼洛陽無
滿編秀氣同歸楚後夜文星不照吳
雲密蛟龍閒未試霜寒鴻鴈急相呼

賢昆學士有詩還促知君嬾愛平湖綠
白日聲名會早圖

送范君武

謫仙放蕩來江東醉吟三見江花紅
吳兒聚觀玉勒駿越女一笑金錢空
筆端靈文落彩鳳席上古氣舒長虹
飄然又趁白雲北別語有盡情無窮

依韻和鄭中立秘丞將替寫懷

宰邑優游不足爲傳家事業復能持
政兼子產那專惠學近康成最愛詩
百里耕桑增日課三年閭井見風移
襟懷洒落恬榮進清節從來畏衆知

和知府王給事官舍北軒新竹

子猷雅愛此君深清白傳家直至今
有似致身憐勁節

更應待物並虛心閒來點筆書新粉醉後移牀傍細陰
分到渭川青玉種巖公宅裏許同吟

杜甫有巖公宅同詠竹詩

得叔毅書

故人消息苦難真終日吳天望楚雲黃鸝不知何處舉
新鶯應似此中聞舊來飲量還能幾別後詩才轉不羣
忽遣長髯馳短札數行千里贈殷勤

別林仁祖御史

論交鄉里各兒童三紀相看兩鬢蓬孤官無脊元附驥
故人得意近乘驄秦儀面激殊今日管鮑心知有古風

歸興嚴程何太急片時車馬復西東

晚鶯獻都官

自恨飛遷出谷遲東君不是故相遺園林縱許容羈迹
蜂蝶還應笑後時休恃綿蠻能巧轉還須冷落守空枝
春風著力年年在未必羽翰今便衰

附都官見答

每到年年二月時遷喬常向最高枝春教綠綺調喉
舌天賜黃金作羽儀無限園林皆占遍幾多蜂蝶競
相隨除棲禁苑宮花外更得飛鳴近鳳池

再和都官見答

離幽便欲趁芳時越分非能守一枝多語羞隨禽反舌
逢辰強學鳳來儀故林有約依前去落絮無蹤逐處隨
若得東風聊借力免教燕燕競差池

附湯七秀才見和前作

占此青春未是遲天工造化豈能遺旣教喉舌清能
轉何事飛翔始得時庭檻暫須隨乳燕禁林終穩擇
高枝回看尚未遷喬者羽翮摧殘更嘆衰

湯七秀才見和再和

清吭臨風轉較遲春光相背去如遺名園已失堪棲處
幽谷何如未出時早恨狂蜂偷好景更和微雨宿殘枝
齋庭健翼飛雖晚一舉青雲笑我衰

送施野夫赴舉

胷中六籍收高誼手撫辭章應禮闈不飲故人柳別酒
恐沾壽母白縫衣吳河擊棹開深凍汴日迎鞭弄短暉
四十明年方得仕平生未與古人違

秋試甫期輒成短篇呈馬公節裴進士光世

妙譽相高聳一鄉士林注目看軒翔玉蹄駿欲騰先路

壽字不如老字渾全

光世金距雄思擅舊場公只待秋闈排甲乙穩攜曉硯寫

文章如今老將雖無勇憶拔蝨弧尚激昂

依韻和李持正晚晴出謁王子高馬上口占之作

謫仙醉跨玉鯨鱗夷甫名談喜更聞照眼暖花開野日
入懷晴氣散江雲塵埃洗去人家好空濶飛來鳥翼勤
莫望帝鄉頻感慨世間隨處有珍羣

次韻公勝曉起對雪

向曉寒威覺倍濃雪霽紛糅冷兼風亂裝瓊樹千林密
疑瀉銀河一夜空鷗鷺失羣吟景內乾坤同色醉眸中

青山瘦馬凌朝出翻羨袁安得臥窮

次韻公勝早梅

昨夜寒梅忽一枝早如常歲合開時欲冬天地恩先及
未雪園林色易知世眼已教容易賞曉風何用再三吹
若論霜菊無多晚只此春葩苦較遲

予官將滿婢子始植小柏于堂下因感而書

孤根初掘出巖隈赤脚殷勤手自栽翠葉未成官秩滿
清陰別待主人來堦堦好養今朝操梁棟須歸異日材
猶勝天桃情意薄劉郎去後始花開

暮春偶書呈才甫慎微

解去銅章尚日餘一春文酒會全疎無機自好親鷗鳥
雖弱仍甘下鱣魚樂事易空如委蛻流年難挽甚奔車
酒徒文友心期在任有臧倉毀子輿

予解邑過杭遇介之學士謁告南歸

同時兩郡冠鄉書屈指俄經一紀餘顧我冗塗移蹇足
羨君榮路駕奔車方從解紱辭巖邑已見飛章厭石渠
自古蓋棺人事定未應今日較龍豬

依韻和楊尉郊外懷鄉

策馬長郊羨子真獨羸風物與詩論驚飛鴈鴛投前澗
歸去牛羊識舊村暴漲溪聲聞遠近久陰山氣亂朝昏
異鄉我亦嗟遊宦莫說啼鵲有怨魂

楊詩有回望鄉關在何處更聞杜宇

轉疑魂之句

鄭君天常有詩貽楊尉因次韻以贈

屢劔名場歲已高此行誰贈一綈袍久從客路嗟重趺
獨對秋風感二毛遊倦幾漫許都刺憤深將廣楚人騷
而今薦口難開吻第愛窮途節可褒

彭及之邀吳仲源楊公濟與某夜會望湖樓獨某

後期爲關所隔偶成四篇以呈諸君

月底雲樓一水湄天光湖色兩瑠璃樽前更坐清風客
筆下爭翻白雪詞物外骨毛應自爽世間笑語不容追
千年庾亮胡牀後此興今人亦未衰
諸公愛月欲狂顛脚踏花欄手擘牋那作常時揮綵筆
直須飛句上清天豈無劇笑驚山叟應有妍詞調水仙
獨我清宵塵滓甚亂蚊聲裏汗膚眠

波射飛樓縹緲間雲梯豈合在塵寰金樽倒盡星垂地
玉滴書乾月過山檻底吳僧空仰望座中蜀客懶西還

我遭魚鑰無情甚只許吟魂夜度關

故國英雄已寂寥飛樓氣象自飄飄天邊鳥翼愁簷額
雨後虹光轉檻腰直恐笑歌驚白日却憐身世近青霄
雲梯縱險容人上始信明河亦有橋

再寄元真宮讀書

讀書曾寄此軒頭官路歸來十二秋文酒故人無一在
蓬蒿荒徑有餘愁差池歲月辜金印憔悴乾坤復布裘
御掃塵埃張舊榻雲中雞犬笑淹留

二月二日作

江上初逢社燕歸，青春二月色猶微。
茸茸屐底草烟合，冉冉樽邊花霧飛。
踏蹬榮圖雙鬢改，蒼茫樂事寸心違。
紫絲結鞵誰家子，馬躍東風試薄衣。

將渡揚子風雨忽作

南徐景物古愁人，薄宦扁舟更水濱。
不識濁醪傾北固，獨隨寒雨出西津。
連天風浪聲兼厲，當路鼃鼃氣亦振。
吾道屈伸非一日，世情未要責江神。

登梵天上方

廊腰偃月勢環遭，秋寓澄明照一毫。
樓檻轉身侵白日

海山隨眼沒驚濤，泉枯碧甃鰻形遁屋跨蒼崖。
鳥翼勞

屈指舊遊今二紀，新愁爛漫入風騷。

寺有靈鰻井遺甃在焉

舟過三郡率值風雨呈同行沈氏昆仲

冥冥細雨濕高秋，花底歌前也合愁。
烟樹幾株疎兩岸，風帆一夢過三州。
生涯未解謀根固，官路那能免葉浮。
却羨鄰船樽有酒，不妨弟勸與兄酬。

依韻和公濟寄仲靈禪老

藤州大士兩眉厖，萬卷叢身寄一窓。
詩力健能支剡岳，詞源湧可截奔江。
高名聳動朝中士，舊隱荒蕪嶺外邦。

想像孤風猶未見何時能使片心降

贈承天月長老

幾年中屢四方遊倦足還逢勝地留電迅禪機超達磨
雲閒詩意等湯休絕塵貌與烟霞古疊石心存岱華秋
此軒累石為山今我取師觀所嚮豈嫌儒墨不同流

承天元長老乘本寺寄淨慈以詩戲之

城裏叢林一唾捐收身微笑寄湖邊此生直欲看山老
不住真為出世賢野屐懶穿雙露脚雲裘嫌重右披肩
人間萬事都無著獨與風騷有愛緣

詩贈寶應禪老溢公

或來丈室問師禪師解臨機示意筌雲在虛空寧有礙
月當陰晦亦長圓更無餘事牽塵想猶有能醫結世緣

瓶錫憧憧叅祖學幾人垂老得林泉

師被府命駐錫此山

前日奉和仲靈禪老春雨詩復辱見荅走筆依元

韻酬之

千年支許事如新欲作前遊漫歷旬雨帶黑雲障俗客
猿呼飛鳥伴幽人從容劇論知何日感激佳篇慰此辰
四海聲光非鑿齒道安名重若為親

觀嘉祐南宮奏名

主司撥馬選龍嫌二百珍羣奏籍開皎皎公衡垂日月
儀儀士類望風雷誠知至鑑無遺照那免良工有滯才
鄉國幾人同應詔只將春色與關裴

寄題殊公禪老黃雲閣二首

人士當年密行成山居黃色有雲生黃雲已共斯人去
飛閣猶爲此地名欲到塵埃先擺落縱觀氣象亦崢嶸
誰云瑞應難追復禪老而今禩意明
入悅禪翁巧結廬更營飛閣取幽虛溪山雨後翠欲活

樗櫟風來清有餘龍象幾年成佛界猿猴深夜雜僧居
還如夢得聞涵碧誰寫丹青復寄予

經故明靜師支離堂

支公昔請支離學堂上無容坐客氈往日衣冠今尚否
經春几席自蕭然談間精義門人記身後清風嗣子傳
一紀宦遊尋舊社空將感涕灑塵編

戲呈宋周士

臘去垂垂凍欲消春光未動思先饒最宜才客臨歌席
更看佳人轉舞腰一笑勞生應有定三冬薄宦獨無聊

蘭臺侍從風流裔合為行雲賦此朝

洪君然太博以元日刺字交馳卒不一見作詩相
遺依韻和答

知君元日起鵷行雙觀雲邊聳百常
拜表歸來乘逸興
跨鞍相就攪吟腸還同皇甫尋僧
孺却笑山公顧葛強
我亦及門空刺字不容高論聽琅琅

暮春感懷

雨聲日夜催春老不顧愁人鬢欲華
堂上自來相熟燕
樹間猶有未飛花詩篇閒裏曾無數
酒盞生前亦有涯

傳語東風且從欵蒼顏更畏數年加

賞春

到老能逢幾席春直須飲量強增分
予素少飲吟情無際共
芳草遊思難收如亂雲還見春風與桃笑
却教人意嘆
芝焚予近喪偶妖紅爛白方爭賞
疎竹休誇號此君

昨日以鄙詩示王君遽辱贈篇
迺有推飾輒依元韻奉答

未有功名與世傳且驅懷抱向詩篇
昔曾篆刻工童伎
今敢風騷領將權媿匪窮經臻聖處
妄推聞道在君先

還知苦意微吟否不已猶云博奕賢

答章傳道二首

旋刻辭章就禮闈禁園花在遂空歸客愁春雪杯間釋
詩句青雲紙上飛從相近持丞相印舊交半著侍臣衣
揚雄未老猶堪薦忍聽滄洲買釣磯

夫子詞源湧大江相逢早覺片心降日哦李白詩千首

累日獲觀盛編夜獲虞卿璧一雙昨日辱屢發彩牋移曲几不

知紅燭短幽窗吟高莫信須窮滯亦有從來擁節幢

送呂監簿歸淮南侍下

花邊把酒趁晴暉春去花空興盡歸白髮親庭寬北望
青簾客舫喜南飛京埃袞袞休回首淮月娟娟好振衣
年少身名當自立不須裘馬事輕肥

贈蘇宣甫

謫宦多因衆口讒猶君戰衄困羈銜鷹拏羣雀翻遭網
舟駕長風忽斷帆曾擁貔貅交白刃肯同兒女泣青衫
有才恐失朝廷意不日房陵被詔函

某嘗約才甫遊雙溪以連雨多事因循未果辱詩

督行謹依韻和

共君曾約訪烟霞欲趁芳時物物嘉宿諾古人嘗有誠
春遊今我果成賒眼看日下無窮事腸斷風前已落花
天氣清明當趣駕此詩先寄謫仙家

送宋國叟赴吉州司理

水光山翠一城浮碧瓦朱甍萬井稠平日居人皆富庶
少年新掾更風流傳家妙術觀尊府決獄能聲擅劇州
利刃有餘清興足不應詩句廢江樓

依韻和正老自嘆之什二首

妙年爲學恥迂疎直欲聲光擅八區已是宦情嗟澹泊

可堪世態較鎔銖不調台鼎行吾道便翼天兵戮汝孥
出入功名當若此自餘瑣細盡非夫

我無尺地可耕鋤君有高田占具區

正老吳門有上腴數頃

若論

生涯有厚薄獨於宦意等分銖壯年未建鴻毛利寸祿
聊甘稚齒孥不學庸庸自持者高官空食上農夫

贈僻疆

人譏徐子迹飄零我愛文章輔六經大筆疑爭造化力
幽吟難遁鬼神形良金縱毀剛無耗寶劍雖埋氣自靈
進則臯夔退荀孟莫容得喪擾中局

依韻奉和王平甫學士寄元內翰詩

蓬萊仙闕地深沉視草讎書此盍簪禁漏傳聲來閣外
宮雲曳影過廊陰能詩摩詰淹儒館未相微之在翰林
馬躍秋風出閭闔片時相失遂成吟

送紫微沈舍人守越州

翁子懷章未足多會稽歸日已蹉跎舍人綠髮垂金印
院吏朱衫導玉珂去國忠心傾斗極過鄉喜氣壓江波
君王許便雙親養奈渴黃麻紫誥何

依韻和酬閬州劉侍禁季孫見寄

別來雙鬢一衰翁近喜劉郎信息通劍氣未闕頻犯斗

賦聲無用尚摩空君頃以能賦稱太學而竟屈于不得科試傳聞蜀道踰天

上見說城南冠闥中杜子美有闥中勝事可腸斷闥中城南天下稀之句山水縱

遊那覺久清霜兩度變丹楓

八日立春輦下作

樓上滿傾人日酒更逢春氣到京華盤擎白玉來生菜
勝插黃金出鏤花客興紛紜那可數年光流轉亦無涯
天邊梅柳應相笑兩度東風不在家

依韻和鎮叔送元宵之什

示音集
卷七
三
一夜雲衢火樹空照人唯有月華同却思廣陌追遊處
都似南柯夢寐中未分園林辜樂事况栽桃杏有春工
可憐此景何時再直待明年歲起東

席上呈正老

去年贈別折寒梅盡道行人不再來今日樽前成邂逅
大家花下且徘徊經春雨脚無時斷浮世眉頭幾度開
莫待明朝離閣後空將餘恨寄吟杯

送鎮叔

三月將交雨細時餘花撲撲柳飛飛已於樹底聞鶯恨

更向花前送客歸暗綠幾行迎去馬亂紅無數落征衣
傷春惜別鍾吾輩此際寧容瘦骨肥

次韻荅正老

幽懽閒憶去年時飲量人人灌漏卮我更典衣邀淺飲
君猶刻燭賦新詩山來世事都無定再結朋遊未可期
一紙清風惠佳句慙慙勝寄隴頭枝

依韻和正老暮秋郊行感事

秋郊物物作秋容目送橫天一鷲雄更遠更疑山隔霧
或飄或聚葉隨風對時唯恐朱顏改遣興除非白酒充

感事子真成麗唱恨無佳句敵才翁

再和

有客秋郊曠望中更憑佳句發才雄
牛羊飽食眠平野
鷓鴣乘時擊迅風
倦目幾隨殘照斷
渴腸惟藉濁醪充
登臨不用頻興感
憂喜能忘是塞翁

我行平野覽秋空
物象吟懷覺兩雄
遠水有時明返照
疎林無限戰西風
京坻相望農收足
廬井多懽歲計充
亦向此時追樂事
歸來倒載效山翁

依韻和荅公諤郎中冠氏道中偶成

泝泝黃埃接大河
驅車底處覓陽和
參差花信春將半
惱亂詩情日轉多
樂事恍如初覺夢
年光撇若迅流波
馬蹄莫放歸時緩
知有佳人聽玉珂

依韻走筆和荅徐無畏見招

憶初識面越庠時
餘教嘗蒙覺後知
早念兒童能刻賦
晚逢夫子許言詩
從谷江介心方壯
蹭蹬京華鬢已衰
道舊不須親握手
滿篇往事略無違

馬上口占呈記注李才元學士

一時聞望絕朝裾幾歲文章動直廬鳳尾新批天子詔
螭頭看載史臣書故關卽路嚴霜後曉殿初班瑞雪初
蜀道歸時須六印不應駟馬擅相如

送曾元恕太祝赴漢陽監征

漢江山色秀蒼烟山擁江光入馬鞭行思欲飄飛鳥外
別顏空慘落花前勉旃闕賦那終歲好在家聲幸壯年
鸚鵡故洲應寂寞得無新句發晴川

次韻通判張靜之郎中席上對客

一飲真須盡百杯異鄉懷抱酒邊開田園幾日能歸去

軒冕浮雲亦儻來交態與誰論淡水宦情空自學寒灰
何如席上張公子白雪辭兼郢客來

杜子美贈張翰林
有天上張公子之

寄秦倅呂四丈職方淵

丈人宦意靜如山五十朱衣鬢未斑富庶謳歌歸別駕
太平談笑服諸蠻熊熊一兆高門後鴻鴈連飛絕塞間

愛弟翰林
時帥邊關

莫學馮唐終蹭蹬功名猶好出秦關

寄保安軍楊公濟判官

高吟絕塞十年前醉筆纔停萬紙傳麟閣主人降健句

雞林官長購精篇舊遊散落今誰在新感縱橫日自憐
肝膽不同軀幹小幾時獻畫請開邊

依韻和張君儀職方城上觀雪

重城雉堞粉相圍亂片情多故點衣浩蕩關河無表裏
微茫草樹有光輝冷侵客鬢雙蓬短急伴年華一箭飛
卻憶水曹詩句好羣鴉接翅傍昏歸

會故人集崔侍郎園池

貳卿園沼壓關西上相篇章絕景宜舊日宮牆流水過
至今苑地畫圖知孤花春去猶臨岸野蔓晴來欲占籬

荀令鳳凰池更好不須遊旆此遲遲

待次陞對已再見春感懷成篇

旅食一朝還一朝紫宸前對轉迢迢青雲事業應全誤
綠髮光陰已半銷始愛古人輕祿仕擬將生理付漁樵
春風又入長安陌依舊閒愁絆柳條

和過尉氏林香陂韻

長年京洛事塵埃懷抱那能一日開魚鳥宿心聊此得
江湖清興劃然回天圍野色鱗鱗合風獵林香滾滾來
漸有人喧迎馬足郊原佳處好徘徊

送馬特失薦還蘇回舟中作

一客空歸顏色低，眾人氣亦喪虹蜺。
淚添酒盞霜天闊，目斷帆檣海日西。
交臂散零如水葉，別腸縈轉似山蹊。
遙知名在鄉書者，雨洗秋街躍馬蹄。

是日鄉薦諸君謝辭

送俞元宰失薦東歸

蛟龍水淺一戰失，鴻鴈天寒相背飛。
疎柳不堪霜後折，故人轉覺酒邊稀。
朱顏有改宜看鏡，黃卷無窮且杜扉。
事業計從勤憤得，未妨鄰里笑空歸。

吳玉綸恭校

祠部集卷八

宋

強

至

撰

七言律詩

南都二月二日憶杭州去歲之遊

去歲江頭對此辰，花邊弄筆詠青春。
異鄉愁緒還隨客，今日風光不著人。
蹭蹬官名侵綠髮，飄飄生理託洪鈞。
湖隄草軟辜遊屐，空踏平臺陌上塵。

題姚氏三頭牡丹

姚黃容易洛陽觀，吾土姚花洗眼看。
一抹臙脂勻作艷

千窠蜀錦合成團春風應笑香心亂曉日那傷片影單
好爲太平圖絕瑞卻愁難下彩毫端

文懿大師院假山

繞郭非無海上山更收紫翠入禪關竺峯飛過傳聞後
蓬島移來想像間草樹細含生意足雲烟輕帶野情還
主人高臥嵩衡畔應放幽尋杖履閑

宋都憶梅

古屋前頭幾樹梅長年臘後已全開自經遠別憑誰寄
欲問清香無使來空與吟懷驚歲月愁將客眼對塵埃

棗林榆莢粗疎甚索寞山東把酒杯

留別西京僉幕陳子雍著

夷門一別三年夢洛宅相逢二紀心人事漸隨詩筆老
交情似共酒杯深從今日望青雲色寄遠時傳白雪吟
不獨此間堪下淚秋風無處好開襟

題魯司徒廟

司徒精爽儼如昨舊史風流傳至今一雨能隨賢宰意

石舍人頃宰中牟歲早有
禱於廟不日甘雨霑足

千年不死愛民心蟲緣壞壁

青苔合鳥噪荒庭古樹陰桑雉逢人雖遠避近來僮豎

殺機深

送漕臺感書

郡縣齊瞻使者麾馬蹄行處是霜威前驅寧免爲負弩
高謝未能圖拂衣顧已自知吾道在折腰甘被俗人譏
古來策足皆貧賤伊起耕夫呂釣磯

送竇彥法學士被詔赴闕

綠髮傳家五丹桂青雲錯路兩朱轡鳳批天語來嚴詔
馬躍春風候禁門造膝從容應有問披心慷慨不無言
君王一見知堪用未歷財闈定改恩

剛叔以雅言題拙稿輒依韻和酬

每恨塵勞荒舊學更慙篆刻得初名聖賢闡奧期深入
風雅源流庶一清短技示人方蓄縮雄篇鑿我太崢嶸
君詩合作咸韶秘何爾輕酬鄭濮聲

送江卿知徐州

鳧繹州山繡畫開東方重鎮仗卿才過家喜氣隨行蓋
入境懽謳接賀杯玉甃試尋彭祖宅金羈看戲項王臺
都門送別無新句盡屬文通自賦來

送程公闕郎中知洪州二首

滕閣欄高紅蠅螻章江水闊碧琉璃幾年氣象歸談笑
一道藩垣繫指麾那待韓公來屬部無勞王勃寫雄辭
使君自有文章手能與山川作好碑
君王從此不南憂善付名郎第一州笳鼓出嚴千騎從
旌麾坐制九諸侯城顛觀閣屏間見江底乾坤鏡裏浮
門下賢豪常滿榻卻應仲舉減風流

送喬岑

世俗誰誇晝錦歸鄉人應笑舊儒衣一言許與經詞伯
三道聲名出禮闈天府試策特為主司所稱好在青雲須遠步莫愁

黃鵠不高飛還家便養軒騰志當使閭閻見面稀

題錢安道節推環秀亭

業嶽虬簷插斗飛乾坤秀色四輝輝晴江對酒平如掌
晚樹開簾細作圍笑裏城烏啼月過吟邊巢燕掠花歸
主人風骨爭森爽無處容塵到客衣

送公濟還闕下

不候關征滿歲歸乞成資得請邑人徒爾挽行衣肯將淚對
殘花落應自心先去鳥飛官向長安多富貴君當即日
亭輕肥綠槐陰合天街後恰綴宸班拱帝暉

送劉伯壽團練致政歸洛陽舊隱

幾年笑傲負緌雲一日重尋麋鹿羣歸老漫賢疏太傅
不侯誰念李將軍霜天劍氣閒中見月嶺笙歌醉裏聞
回首功名今似夢逢人嬾說守邊勤

和唐林夫正字韻

共是江山棄水雲更同魏北走埃塵官書斷手何多日
樂事回頭已一春入夏解衣宜野逸幾時縱酒到天眞
由來朋字難爲正莫漫剛顏忤世人

初秋與趙無愧小飲下關河亭季秋送客復至其

戲問成短句

秋早津亭一笑歌紅妝晚景落清波重來霜後攀疎柳
更向風前數敗荷物理盛時能有幾人生樂處亦無多
不知當日樽前曲卻傍誰邊斂翠娥

依韻和王立之中秋陰雲不見月

更長不見水精盤搔首庭除夜向闌一氣人間清自轉
孤光雲外好誰看關河夜色暗朔漠樓閣吟魂飛廣寒
幕府病眠憔悴客獨無樂事可相干

夜會洪方叔

別盃曾破菊花期
今夕相逢菊又衰
宦路經年能會合
人生何處免參差
漸驚老態侵常日
猶喜交情似舊時
一笑形骸俱自失
三更星斗席邊移

再宿白巖院

寺在疎林積藹間
舉頭無處不蒼山
老松怪石莫知歲
幽鳥孤雲相與閒
袞袞紅塵嗟宦路
時時飛夢繞禪關
上方大士觀空坐
應笑喧闐數往還

林早立之臨別連以佳篇見贖依韻和酬

建溪夫子惠新詩
雅道深慙未得知
曲亭鷄鶻真過矣

吟成欵段復何之
日斜留煮山家茗
烟重愁燃客舍萁
我繫一官君四海
可憐出處不同時

依韻和居方觀崔生畫

古今畫手得名人
一物纔工自出倫
字與丹青俱是絕
勢關飛動不無神
浪傳誤筆成蠅點
那待青田寫鶴真
候鴈枯荷含遠意
江湖歸興劃然新

次韻知郡郎中應期喜雪

公將民欲達天心
瑞雪如期白晝陰
皓色恍疑霄宇接
濃寒都爲歲華深
辭妍席右人雄贍
興盡溪邊客訪尋

鈴閣唱高宜和寡不才剛綴鄂中吟

依韻和答晉倅洪君然都官三益見寄

別乘文章晚更奇全家才業繼前徽閨中蔡琰詩無敵

魚軒善詩膝下劉歆筆有譏令子嘗論歷代頗有譏正歸意我慙彭澤柳

清腸君愛首陽薇案頭簿領真流俗獨喜吟懷與世違

丙午歲與府中諸君重遊張氏園慨然成詩

醉書曾記並遊人今日重遊墨尚新對酒年來驚白髮

惜花時復數青春四方散落幾交臂萬事參差一病身

傍水園林自蕭洒不須出郭遠風塵

題余公亭

公自披榛上築城以公題榜壯圖經名佳應與溪山久

地勝渾疑草木靈到喜琴樽能滿意退嫌圭組只勞形

異時邦俗思賢化還似甘棠愛此亭

喜晴

雷威無節雨霖頻倍喜晴陽照火旻野外芻蕘尋故道

田間簫鼓賽閒神亂苗豎似痿人起積靄披如舊屋新

更待高樓今夜月一樽且樂有涯身

中秋對月有感

西風入夜掃微雲皓魄來無一點塵樓閣通宵雙玉戶
水天隨處兩冰輪光搖樽酒清宜客影落關河思煞人
我向乾坤違樂事孤蟾照淚滴衣巾

送劉嗣復都官赴辟秦州幕府四首

安西幕府講聲華禮幣迎門促去家長日壯圖看劍氣
隔宵喜信報燈花輕裝度隴由來慣逸轡追塵不待搗
賓主禦戎俱有策只陪談笑却邊沙

十萬強弓略未彎妖氛漸滅賀蘭山元侯把詔開新府
上客隨書出故關詩酒不妨行樂外功名只在立談間

主人待勒燕然石誰道能銘獨姓班

幾載關西任醉醒一朝意緒屬青冥舌端江海傾談韻

掌內風雲指陣形烏府中丞知國器

中憲王公知兄
最深嘗薦于朝鴻

樞學士納邊庭二公遠近觀成效莫使旄頭尚有星

入秦乘夏頗相宜笑拂征鞍盡別卮鸚鵡隴西迎賦筆

芙蓉幕裏近花期祖琨清發能長嘯老杜冥搜有雜詩

杜子美有
秦州雜詩

君去定應兼二美軍書暇日戍樓時

走筆和楊蟠從事庭菊

揚子門無載酒賓菊開誰共醉天真簷前寂寞逢吟客

霜後蹉跎伴主人
鈿帶綴花綖
細翦金錢繞屋豈全貧
東家早秀誇桃李
今日空枝不似春

河北送洪景之進士如荆南

十年肝膽照交情
朔漠相逢意轉傾
蒼鬢飄飄予薄宦
青雲蹭蹬子諸生
更同樽俎知何地
漫與詩篇送子行
南北倦遊那得定
扁舟江水欲之荆

依韻和荅陳公度五邑季黜道中見寄之作

幕府清郎安在哉
方冬行縣冒塵埃
寂寥坐客思車樂
點檢詩朋欠鼎來
按吏最誰官簿整
教民幾處戰旗開

此行兼未應輸我論文飲
贏得新詩滿篋回

北都春日漫書

蓬鬢雙侵京國塵
花枝五別故園春
曉鷺莫漫驚遊宦
夜鶴多應怨主人
日月名遲愁攬鏡
江湖興在憶垂綸
天邊涕淚懷吾弟
卻恨衣冠繫此身

苦熱

羣鳥無聲抱翠條
乾坤雖廣絕微颺
魚龍尚懼滄溟沸
草木甘從赤日焦
只與火雲張氣勢
未容霖雨解炎歊
經時未雨猶聞事
莫放晴虹作旱妖

觀蓮

水仙也曝晚霞衣萬片鮮紅照綠池花近酒盃逾酷烈
蓋隨舞袖忽敲垂且延勝賞觀靈匹好折清香贈侍姬
苦被濁泥埋沒久題詩今喜相公知

韓魏公生日一首

早陪樞筦晚持衡曾與君王致太平一代盡宗蕭相畫
四瀛猶服晉公名乾坤爽氣初秋動社稷元勳翌日生
今歲故鄉諸父老壽樽應喜得親傾
功名富貴舊元台誕日新歸故里來綺席重張孫相閣

錦衣三照鄴王臺相望全魏榮封國不盡清漳伴壽杯
最是銜恩門下客秀眉前祝落鄒枚

榮歸堂二首

堂就新紆上相車名尊為出紫泥書公以詔語名堂清杯燕喜

三春半黃閣歸來一紀餘香徑生輝榮草木畫簷垂蔭
樂禽魚官輕可笑江東老也漫懷章詫里閭

嫩柳濃花園舊圃朱薨碧瓦煖春池黃金腰下還鄉印
翠淡胷中報國詩乘駟長卿羞志淺懷章公子恨名遲
知公觸事須尊主揭榜新堂是訓辭

依韻和酬留別

魏國山河氣自雄，殊方客子一身窮。
靈文獨富肝脾內，秀句連成咳唾中。
細數舊遊如俯仰，俄驚新別又西東。
郡侯早晚論高行，嬾就秋闈望至公。

九日二首

去歲重陽踏路塵，異鄉今日恨還新。
如何佳節長爲客，卻恐黃花解笑人。
強飲破愁爲樂酒，自憐多病足情身。
龍山舊事知難問，千載相期屬此辰。

漸老襟懷已足悲，登高節物可無詩。
秋聲颯爽侵蓬鬢，晚意蕭條伴菊枝。
故里江山尋好處，重陽樽酒負當時。
天邊鴻鴈隨南望，憶弟雙眸淚欲垂。

馬上見華山

身寄秦川紫翠間，舉頭行坐對南山。
忽來烟際逢仙掌，更覺天邊慰客顏。
霖雨不知何日作，片雲猶向此時閒。
三峯信美那能戀，自有家林未得還。

西距渭南二十里，有佛祠曰梁田。
其主僧守遂者，引予登閣久之。
欲題名屋壁，守遂遽阻曰：有榜諭
恐得罪于邑大夫，願勿題。又閣有韓玉汝赴洋州

日留題詩板而書字猶新詢于守遂曰前日韓將
漕本道亦邑宰令寫之詩也因感世態而作

洋州太守駐雙輪佳句曾留渭水春一紀却提關右節
二篇纔出屋間塵濡毫忽聽山僧語題柱須防縣令真
只道衣冠專世態炎涼也屬不毛人

五路嶺

一徑高盤十里餘人心馬足厭崎嶇只憑頑石專為險
不識青雲自有衢地氣難通樹多瘦陽暉應近草先枯
我行方欲奮遐跡顧爾安能礙坦途

和梁潤之晚登繡嶺

翠華絳節去忘還輦路宮墻壞舊山青史空文興廢後
玉真餘恨有無間杖藜一笑緣危徑弄筆高吟望故關
足力怪君強健甚慣行棧道不為艱

依韻酬獻陳州王密學見寄二首

觸熱初來太華西恐煩後命促佳期杜子美送李秘書

失佳期後兩人幕府叨同日裴晉公詩有兩人同日事

命催之句千載門闌值一時儲邸忽開趨命召賓筵空在失

棲遲念公詩句情無極更聽秦民話去思

憶昨驅車始向西樊川又見菊花期
滯留舊幕嗟今日談笑清樽記昔時
屢辟濫充賓客晚厚恩慙報主人遲
淮南卧治那能久天子懷賢入夢思

和張文通書懷

仕塗衆僞雜吾真誰信千鈞重
一身赫赫朱門公相遠寥寥黃卷聖賢親
府居此日嗟孤宦鄉飲當年謬上賓
猶喜故人同舊幕每容詩句續陽春

依韻和張文通寺丞寄鮮于子駿職方

西州夫子善談天語入精微服四筵
子駿尤深於易交分正論

詩卷裏別愁忽到酒樽邊馬衝雪片歸梁苑
鶯喚年芳

憶渭川盛事青雲看接跡衣冠鄉里舊多賢
闕州陳氏在衣冠盛

事爲最多

送隴州使君劉仲儀左藏赴治

夾道濃香數里焚隨車和氣一城薰
兵民如見古循吏文武兼能今使君
冷射祠堂汧水月晴飛郡閣隴山雲
幕中知有才從事樽俎清談定喜聞
雷從事實長安伴士

依韻和酬順安使君王大觀見寄之什

蒼鬢蕭疎並曲臺
予嘗與大觀同爲博士太常北門笑口屢同開
仲

升投筆燕南去王粲從軍陝右來月冷戍樓悲短笛

狀

川滿天寒戎幕賴深杯更為後會知何地終日思君首懶

回

送人還闕

談笑三年陪主帥文章二紀在公卿莫辭別酒傾秦地

古詩有秦地少年多釀酒之句且聽離歌唱渭城鞍馬入關侵臘尾宮

鶯到闕破春聲朝廷拔擢賢才急合有當塗薦姓名

依韻和達守徐郎中見寄

鏡鼓鳴船送出都中間不奉一行書荷公恩禮無時薄

接物襟懷似舊虛久別近參元帥幕相逢屢枉使君車

詩筒自附西來驛那要烟波雙鯉魚

依韻奉和經略司徒侍中寒食後池詩二首

放懷吟笑艷陽天誰似征西相國賢春酒丁寧終席滿

風花點檢幾枝全柳間鶯踏柔條軟池面魚吹細浪圓

東閣恨參賓客晚五湖那暇憶漁船

置酒高吟禁火天主人勲德重韋賢廟朝論道看三人

樽俎談兵已萬全曉竹洗烟叢玉瘦春池濺雨亂珠圓

曲江壯觀今蕪沒不復紅妝照客船

南軒小桃盛開皆言羣花未發而此獨先之偶成
短篇呈諸君

紫萼紅英細細裝新枝短短舊枝長未經曉日誰言艷
可藉春風自有香卻恐折殘妨把酒若爲遮住莫臨墻
關中氣候由來晚二月花開豈是忙

長安春日感懷

誰道關中節候遲晴川二月繡參差有期去燕尋歸棟
不改新花發舊枝宦路飄颻無定所客顏顛顛異當時
林花巢燕休相笑攬照懷鄉已自知

保安楊公濟書來問疾以詩答之

青雲意緒漸悠然白晝昏昏懶欲眠詩攪肺腸來暇日
病驅腰脚入衰年春來把酒猶能強老去逢花只漫憐
童稚情親今好在遠煩問訊到秦川

次韻答方晦之

昔時英傑未伸時胯下淮陰尚俛眉之子古心能自信
衆人謗口不須疑討論直取遺經本芟剔寧容異說枝
聖世尊儒君富學等閒危涕莫交洩

依韻奉和經略司徒侍中清明興慶池上之作

後騎前騶拂曉晴風光初轉繡旗明功名上相班春樂
談笑西戎計日平烟際飛禽屏上見水邊遊妓鑑中行
勸公急趁花時醉宰席猶虛主意傾

春日興慶池上作

韋杜風光掠眼明南山秀色入重城林端袞袞晴烟起
冰底濺濺亂水鳴載酒小舟聊晚泊隔花幽鳥忽春聲
漢唐壯觀今何在惟有新蒲細草生

奉和經略司徒侍中垂蘿洞之什

洞裏流泉過幾家洞門一醉興何賒桐飄欲下題詩葉

桃笑猶存誤客花清結晚陰堪宿鳥綠牽春蔓擬藏蛇
相君燕喜緣賓樂漣上誰人合姓車

和司徒侍中上巳會興慶池韻

熒煌台座隔魁三

杜工部詩有君家最近魁三象之句

喜對新詩見二南

好酒似聽山鳥勸落花真惜野蜂銜天光不斷連春水
月影初來破夕嵐紅旆欲歸珠履散遊人猶愛畫船攬
依韻奉和判府經略司徒侍中上巳晚遊九曲池

詩

地勢盤紆巧鑿開當年匠意亦多才池名不逐唐宮廢

岸折猶如蜀阪來水落有時逢舊石草深無處覓遺臺
行春丞相尋陳迹往事空嗟浩劫灰

長安上巳日對雨憶杭州

三月吾鄉三日盛一春盛事一時傳山花迎笑探芳騎
水鳥驚飛張樂船今對清樽看細雨更搔短髮數流年
曲江蕪沒不堪覷那復麗人來水邊

經春長在幕府今日偶出見花

幕府文書日日同愧無長策議平戎但驚蓬鬢看雙白
不覺花枝已半紅宦意蹉跎侵晚景客愁散漫逐春風

古人枉說從軍樂興在江湖短艇中

遊寶掌院

當年秘寶已無形獨有層峯似舊青不許俗人留轍跡
却應神物護巖扃山腰猿嘯孤烟暝洞口龍歸暴雨腥
今日一來探絕賞始知全勝考圖經

登塔

身世如追汗漫遊丹梯一步擬三休漢唐前後漫陳迹
城郭是非勞寸眸寒日微明飛鳥背孤烟漸起暮山頭
姓名滿壁今空在登此幾人忘百憂

杜子美登塔詩有
自非曠士懷登茲

翻百憂
之句

依韻和尹嗣復秘校登回鑾寺閣有感之什

尹子辭才兩崛奇家聲好繼漢翁歸人間茂器無施設
天畔危欄獨據依詩興遠隨孤鳥逝客心閒傍片雲飛
登臨不比江南節何事徘徊怨落暉

依韻奉和判府經略司徒侍中春陰馬上之什

濕雲落地未回天墜絮將飛力尚綿霧重自侵旗尾潤
日高誰傍甕頭眠行田歲望三登穀按轡詩成萬選錢
霖雨長應隨出處春來只見月光圓

送成都舊尹趙龍圖至驪山作

阻傍巖公往浣花喜從秦地見高牙致君前去心逾赤
撫俗歸來髮未華路出錦江乘夜月騎停繡嶺指朝霞
自憐二紀遊門下今日聊能託後車

依韻奉和判府司徒侍中賞西禪院牡丹之什

花蒙一顧重長安從此時人洗眼看留艷徘徊供燕席
飛香迤邐上貂冠露苞含曉宜三嗅風朶搖春似七盤
便好移歸東閣種免教來歲隔欄干

依韻奉和經略司徒侍中過湫馬上始見終南

紫詰泥封墨未乾暫班全陝詔條寬舊來霖雨從神覓
好在晴山立馬看翠入重城朝自潤勢吞平野夏猶寒
公師巖石同臨鎮關右人心轉覺安

依韻奉和司徒侍中留題靈泉觀

壞道頽墻遠舊山空餘繡嶺鬱巘岈庭柯引蔓長垂蓋
林莢遺妖尚合歡觀有垂蓋古藤溫泉之側皂角生輒相並俗謂楊妃皂角云清渭
不隨人事改溫泉那解客心寒唐宮蕪沒今何在漫拂

津陽石記看

題靈泉觀閣

山腰碧瓦巒參差勢壓開元觀閣基野氣欲來雲拂地
天光不動水平池飛簷鳥道愁相逼故國人煙入俯窺
便擬幽尋隨杖屨清秋幕府事文移

韓魏公生日二首

勲名一代俱稱首將相三朝愈飭躬雅意自安台鼎外
羣生長願化鈞中破除白髮留賓醉收拾黃金濟士窮
舊鄴山川齊壽考秀眉何獨魯龜蒙

天地開秋氣兆涼當年大昴降星芒溢城鼓吹迎恩賜
傾府衣冠望寵光馬出上閑牽駿足衣頒內府疊濃香

令孫今日方傳詔更待曾雲捧壽觴

依韻奉和司徒侍中戊申西洛中秋對月

白玉盤從海面浮閒雲一點卽時收山川表裏無遺照
天地尋常可是秋清景似偏孫相閣高情更屬庾公樓
暫紓化筆歸詩句不泯長隨洛水流

澠池

古邑人煙陝洛間馬蹄車轍許誰閒不堪曉雨妨行興
猶喜秋風慰客顏老去稍知筋力劬年來祇益鬢毛斑
相如屈趙無遺迹獨有空名重泰山

長安九日

鴈落霜清對此辰蠲浮酒濁喚何人二年不見江南弟
九日空憐渭北身白髮轉多羞插帽黃花漫好擬霑巾
功名又逐秋風晚惟有登高詩句新

離京兆日獨里人葉舜舉祕丞胡從道戶曹遠餞
至長樂坂

兩經辟命住秦關府罷東隨相國還物態當時傾附後
人情今日有無間青門雨送歸行色白酒風吹上別顏
相見去留終不改祇應同里與南山

嶽廟齋宮與崔伯憲都官王正甫殿丞飲別二君
各以詩送行席上作短篇奉荅

鄉人分散幾流萍長樂坡頭已涕零太華相逢聊永日
故交漸少似殘星別杯猶恨樽前緩詩筆那容席上停

車馬東西從此隔明朝惟見亂山青
此詩九月二十六日河上雪

昨朝今日盡天風九月長河雪片中雲外誰偷榆莢種
人間自滿菊花叢羣陰已鼓先時勇萬井應愁卒歲窮
亦欲蹇驢乘逸興灞橋何處覓詩翁

臣吳玉綸恭交

洞部集卷九

宋

強

至

撰

七言律詩

依韻和判府司徒侍中雪霽登休逸臺

環臺雪後從公登四顧乾坤表裏明粉水半消池日薄
玉枝相戛竹風清園林洒落人間世樽酒逍遙物外情
寫景不須搜畫筆詩參化匠自天成

依韻奉和判府司徒侍中壕林

星榆落種還生地營柳移根總傍壕夸父林稠宜較盛

太師垣峻敢爭高歲科充蠹疲民產公詩有鹿角科城民歲甚勞之句守勝提壯士旄長與萬家添外圍鄴人心結此恩牢

留守司徒侍中寵示上巳屬疾鈞什謹依韻奉和
上巳曾陪宴後池風光一匝又花時當年簪履誰猶在
今日門墻獨未離步怯園林雖晚到恩深草木已先知
都人不省憂民病只訝行春繡旆遲

和登金銅門

高門締構自何年朱栱金鋪麗日前樓上台光臨暇日
座間涼氣失炎天草涵宿雨濃如染林曝晴曦燥欲然

早晚定歸黃閣去剩移夏榻就風眠

某伏觀判府司徒侍中置酒宴客即時雪作謹成
七言律詩一首上獻

相君東閣冒寒開朔雪貪隨樂事來臘信未通先漏洩
台光欲近却遲回勢輕漫擬凌歌袖片小纔能綴酒杯
寂寞相如孤客在定應授簡屬鄒枚

某不度輕僭始以鄙句塵獻判府安撫司徒侍中
特屈威尊過賜寵和伏讀榮荷謹成律詩一首代
啓上謝

司馬當年侍兔園只攄祕思奉清樽豈如下客吟飛雪
繼屈三公賜雅言句描物形雖有迹筆鑱天巧獨無痕
寧惟一府誇榮玩猶得他時耀子孫

依韻奉和判府司徒侍中望宸閣雪後

雪中氣象但漫漫雪後乾坤淨好看零落瑤林晴照裏
參差銀闕暮雲端疑開粉墨圖新就猶洒樓臺筆未乾
萬井都人蒙煦育恩深不覺夜來寒

再和

公到層軒雪已殘蕭森素節曉相看山融愛日酥千點

地接頑雲縞萬端曾有金樽開兔苑况無鐵甲戍桑乾
清風落紙成佳句身世渾疑在廣寒

春日送王明遠

馬蹄乘興急離秦輕雪初消塞外塵談笑暫來趨幕府
文章猶記從車茵雍雍妙畫平邊徼袞袞清言服座人
詩句不須論別意臨岐探破故都春

依韻奉和司徒侍中春陰席上

未消殘雪在牆陰書景昏昏似日沈土凍轉愁花信遠
天寒惟仗酒分深笑談四座相歡色富貴三朝不動心

詩句一傳人競寫也應潛購到雞林

走筆別王彥祖宮贊

別襟曾判宋王臺魏北相逢一笑開帥府紅蓮曾入幕
公堂黃菊偶銜杯未應許國全無第祇恐趨時自有才
且置功名歸度外詩筒頻附塞鴻來

奉和龍興燈夕

結綵仙山對淨坊曳珠寶履捧台光燈搖夜月天形動
歌聒春風物態狂刻燭詩成傳魏國吐茵酒釀醉程鄉
今年始徹清宵禁倍覺都人樂意長

河朔上元
久不放夜

依韻奉和司徒侍中上元遇雨卽席

金絡香駟匝來門闌徹禁夜無猜正憐舞曲隨風轉
驟覺燈花冒雨開屏翳呼雲何倏忽嫦娥收月漫徘徊
相君未放春宵醉倒盡宜城第幾壘

依韻奉和司徒侍中春雪

草木空催造化忙六花先出壓羣芳酒寒玉笋消春味
烟濕金爐滅晝香地暖落糞堆旋失風和亂片舞初長
相公更好調元去已兆豐年在此鄉

送河北轉運燕刑部被命充三司副使

億萬供須仰縣官大農選選徧朝端外臺心計推公最
中詔恩除副帝難文石近班趨玉筍紫絲新帕覆銀鞍
行據仁義裁經費天下征繇不日寬

晝眠

酣酣枕上息吾形日過南窗第幾櫺所得高眠容幕府
爲無深責繫朝廷苦遭浮蟻催來熟忽被幽禽喚得醒
卻整葛巾尋晚酌竹間呼客盡吾瓶

留守安撫司徒侍中生辰三首

七月穹旻大火流元精信宿降伊周公師一品儀刑重

將相三朝德業優桑梓鄉邦兼鎮撫苴茅封國正居留
人間盛事仍難老富貴功名未白頭

宰衡倚賴更三聖神器傳歸定兩朝幾御銅符雙在手
尊榮金印六垂腰流民相率歸仁政疲俗新蒙罷橫徭
壽考轉隨陰德遠開倉累萬活黎苗

凜凜威名遠邇知去年談笑屈西陲平時旌節臨全魏
計日朝廷起一夔狎賜綵衣今禮數待還繡袞舊麻詞
佇看來歲稱公壽荀令依前在鳳池

走筆謝司徒侍中惠相

十年空憶滿林香今日堆盤得恣嘗
摘處嫩苞金隱粟剖來清液露盈囊
自堪珍玩誇羣目可惜餘甘落俗腸
拜賜愈知公意重不同設醴望元王

安正堂二首

居守園林氣象閒堂成壯觀入躋攀
三朝力輔乾坤倦一國身偷歲月閒
傾座語驚邪說破勒碑詩召正風還
險夷出處皆公迹不動公心似泰山
飛飛燕雀倦簷牙繡栱雲楣鬪彩霞
樽俎燕閒歸相閣鼎鐘勲業在王家
直紋惜破墻陰竹巧笑嫌開席外花

今日正風傳魏國平居詩思亦無邪

依韻和酬楊立之進士見贈

詞場綠髮競才雄幕府朱衫覺道窮
孤憤掃除詩句裏壯圖流落酒盃中
宦游已倦年將暮人事隨生日又東
珠玉潤篇勞寵贈建溪風格襲文公

立之實翰林文公族弟

依韻和酬王明遠見寄

一日論交坐席間肯平壯氣就衰顏
篇章漫欲窺滄海道誼從來仰泰山
白日聲名君籍籍青雲意緒我斑斑
元戎幕府那能久太學諸生已望還

送河北提刑王詹叔郎中被詔充開封府判官

人物神州雜五方平明京兆坐黃堂民投牒訟千狙詐
吏抱文書白鴈行幕府要人關聽斷朝廷自昔選才良
朔陲使者聲名久隨詔南轅佐趙張

次韻迴判都官和諸公雪中席上之作

龍沙千里絕纖埃銀色渾疑玉母臺宴席此時驚酒薄
曉枝無處認梅開騁辭梁苑客方至乘興越溪人自來
從古六花長一色化工應不費培栽

今日和判府司徒侍中喜雪

朔雪飛花趁歲陰喜看不覺酒杯深應時自合蒼生望
澤物真同上相心未怕春風融粉水恍疑江國見梅林
西山一夜千層日那復能留寸碧岑

送王敏夫判官舉京師

韓魏公塔

鄰公門下識羲之風骨無塵聳秀姿壯氣海鯤翻碧浪
逸才天馬脫金羈旋憑詞律趨明試首聽文衡中有司
太學舊遊應刮目青衫事業盛當時

伏覩留守安撫司徒侍中鎮魏三日遂獲甘雨吟
成律詩一章上薦

相袞前年撫雍民下車飛雪滿咸秦

陝右屢年不雪公
賦事長安之日時

雪大風行魏國纔三日雨作商崑恰半春

二月十日雨忠節

此生存社稷誠心是處感天人二方豈合偏蒙澤四海

思歸舊化鈞

卽席依韻奉和司徒侍中上巳會許公亭二首

禊事初修樂未涯晴陽濃淡薄雲遮風光轉入庭前柳

春色隨來席上花千載風流追曲水萬人遊豫拚長沙

杜工部有著處繁華矜是
日長沙千人萬人出之句相公今日携諸吏那比山公

醉習家

三春樂事掛蘭亭駐旆名園敞繡局酒盞綠深須露白

花梢紅少已多青賓裾特盛人間會公袞能忘物外形

化筆暫歸詩句裏清風一誦醉還醒

上巳飲許公亭通判錢郎中以詩獻因依韻和呈

丞相開筵御水頭席間別乘擅詩流特誇元巳從公飲

不比常年結客遊淡色雲陰籠日薄暖香花氣傍人浮

篇章唱絕雖容和酒盞恩深豈敢酬

和推官壓沙寺惠詩

上相行春樂有餘繡旗朝共宿雲舒特教紅袖停妍唱

爲許朱衫託後車肯說大烹專鼎食旋容小摘薦園蔬
多才幕府論榮遇詩句飄飄動客裾

走筆依韻和楊進士偶登南樓之作

當年割據屬英雄樓觀誠奢物產窮藩鎮一歸平削後
關河盡入照臨中離宮此日號大壯織杼無人歌小東
全魏萬家今樂業衰衣唯恐逐周公

瓦亭偶書

城中塵土眯人眼隄上風烟醒客心沙擁河聲時斷續
雲含野色屢晴陰平蕪點白鷺雙起細柳弄青蟬一吟

魏北古來車馬地此亭偶爾得幽尋

送謝先生歸紫霄峯

不同賣藥入都市又異執帚見相君冠蓋臨門求上劑
公台解榻卽多聞應思夜鶴侶蕙帳卻笑伯鸞家布裙
藜杖還尋紫霄頂無心出處似山雲

送傅宣李子範供奉歸闕

曾共征西幕府來相逢今日魏王臺喜情重把論交袂
感淚頻添話舊杯此別情懷無限惡他時談笑尚容陪
馬蹄歸趁春風急應有花先禁苑開

依韻奉和司徒侍中西園初暑之什

夏木參雲百尺長
晝陰籠日一軒涼
雜追楚榭迎風袂
冷笑淄川作雨滂
歌扇參差立燕趙
客裾容曳赴原嘗
坐來詩句清人骨
勝抱冰壺飲玉漿

聞參政王侍郎令子著作登第復除崇文校書

宮壺移刻對延英
文帝從容問賈生
儒館旋承恩詔入
士林尤說御批榮
丹山鳳出寧無種
滄海鵬搏遂有程
漸待青氈歸舊物
區區義獻漫家聲

依韻奉和司徒侍中苦熱未雨

乾坤五月氣炎敲
丞相憂農心更焦
思脫塵埃遺暑濕
擬排寥廓御風飄
穴中戰蟻空知驗
雲外晴虹尚肆妖
下土顛顛望霖雨
好回天意慰黎苗

韓魏公生日

上公拜表請辭官
中使傳宣未聽閒
雍府遙兼新節鎮
鄴城重領舊山川
左弧共記生賢始
右席誰居獻壽間
陰施在人天報遠
蟠桃三熟鬢毛斑

依韻和趙晦夫書記將替寫懷

芙蓉幕裏住三年
鸚鵡才高動四筵
風月漫勞吟杜曲

文章自好紀燕然朋簪會合愁分手官簿縱橫待息肩
直道先難終易偶近聞知已薦書全

代上余太宰生辰

瑞挺真儒翊聖時瀉山秀氣育丰規慶符昌運千齡會
前應中秋十日期天上光連奎昴宿人間身占鳳凰池
粉榆暫領旬宜寄榮誕衣冠祝壽眉

送公度赴詔歸闕

兩京三仕並交遊有道從來慕太邱白日聲名隨詔召
青雲家世踵颺流數程去路朱蹄駿一曲離筵翠黛愁

材力如君當拔擢敢辭幕府獨淹留

依韻奉和司徒侍中庚戌秋分

金氣纔分向此朝天清林葉擬辭條三秋半去吟蛩逼
百感中來嘯蟻消候早初逢旬甫浹月圓前距望非遙

十日如今晝夜均長短占錄無勞史姓譙
晉天文志云蔡邕譙周各

有撰錄

奉和司徒侍中中秋遇雨韻

要盡賓歡醉繡筵準憑良月作貧緣孤光已蔽浮雲外
衆目猶傾小雨前聲入鬢毛同颯颯潤生林葉自娟娟

宴杯纔徹寒蟾露疎影參差魄正圓

依韻奉和司徒侍中秋筵散雨餘微見月色

待月開筵細雨侵月來賓去意空深未容午夜瞻全璧
先隔微雲漏碎金萬戶漸宜歸一望重樓恨不起千尋
應須潤澤周封內始放清暉出暝陰

依韻奉和司徒侍中重九會安正堂二首

茱萸綴席落新堂丞相詩鋒不可當九日繡筵吟節物
十年黃閣運陰陽酒邊和氣忘公袞風外清歌出女墻
賓去每來安正坐泰然德宇發天光

萸杯引滿宴公堂病客偏容泛淺觴爲愛菊花驚晚節
不羞蓬鬢插秋香衆賓談笑誰傾座上相風騷獨擅場
來歲鳳池吟此日夔龍高會耀辭銘

和重九晚登騎山樓

登臨樓觀一重重下客追隨豈易逢九日燕私同愷樂
三台禮數極優容自酬佳節揮鴻筆誰詫元勳載景鐘
只恐斜陽催勝事時時回首望西峯

依韻和崔伯憲謝王正甫遺三靈丸蜀茶

一丸道士曾投藥七椀先生亦愛茶

事見玉川先生詩

服久有

時輕俗骨味新應早摘靈芽病軀自健遺藤杖睡眼全醒耐燭花可是兼饒詩力壯芙蓉幕裏句堪嘉

依韻和伯憲九日感懷

隔霧南山愁漠漠破烟東日淡輝輝風欺白髮勤吹帽酒妒黃花故點衣九日淚兼疎葉落幾時身逐短篷歸青雲欲早秋先晚更惜登高樂事違

依韻奉和司徒侍中壓沙寺梨

誰將冰蜜共囊封結實祇園顆顆同蔽蒂舍傍思召伯周流林下賦揚雄

長楊賦云周流梨栗之林

花經春月千層白頰傳

秋霜一抹紅江橘空甘得奴號果中清品合稱公

讀尹師魯集

章句橫行古道堙先生筆力障頽津高文簡得春秋法大體嚴如劔佩臣冰鐵剛顏低獄吏雲風壯略疎邊人謫官竟死空名在一讀遺編淚滿巾

奉和司徒侍中辛亥二月十五日

去去春光鳥翼過雲陰風惡更相和屢探花信猶全闕擬借鶯聲肯暫那鈴吏事來須緩報相公賓退正閒哦九旬已是中分了詩酒尤宜併一科

和司徒侍中清明會壓沙寺詩

野寺尋芳二月殘，弄晴幽鳥自關關。堤沙壓雨迎金勒，

旆繡翻風蔽玉顏。

官妓隨車

翠幄飲張花雪底，綵舟歸漾水

天間。五年貪戀行春樂，不覺移文笑北山。

依韻奉和司徒侍中同賞梨花

千株綴雪紺園中，數頃花開幾度逢。體瑩直憂春欲妬，
色孤猶喜月相容。香浮翠蓋台光近，瓣落清樽飲興濃。
公恰徘徊吟妙句，不須忙打寺樓鐘。

送大名府僉幕吳都官幾復移倅安肅

相公樽俎納豪英，使者封章薦姓名。落日送愁離幕府，
翔雲隨眼入邊城。萬蹄朔馬休南牧，一笑燕姬慰北征。
此去單于還請繫，洛陽前後有書生。

送朱傳道推官赴刑部詳覆

文章自老齒獨壯，富貴偶遲名最先。冷落官曹按丹筆，
風流幕府別紅蓮。高談傾座迴無敵，清骨照人常欲仙。
好在胷中書萬卷，校讎四庫續登賢。

依韻奉和司徒侍中辛亥上巳會許公亭

許開壯觀舊平津，今日還延相閣賓。茅社一臨封國地，

花亭三見楔杯春隨車和氣蒙魚鳥卽席高吟動鬼神
西北連年參幕府東風長忝從遊人

依韻奉和司徒侍中同賞牡丹

按譜新求洛下栽朱欄圍土事深培半妝曉日爭光照
一笑春風喜競開得地自依孫相閣飛香欲繞鄴王臺
繡簾對賞猶嫌遠翦上金盤近酒杯

依韻奉和留守尚書會六同年感舊詩二首

鼎科第一策名人金榜誰能躡後塵三紀鵬圖猶綠髮
累朝龍首最青春同懷談笑宜開口間代文章各致身

古詩有限無同懷
客共登青雲梯句醉倒不知歌舞罷杏園舊態恰如新

好傳此會詫時人歌揭青雲動暗塵霄漢得仙同白日
風騷寡和敵陽春笑談未減題名地富貴相高報主身
誰向衣冠增盛事龍頭結客事尤新

依韻奉和司徒侍中三月十八日遊御河二首

玉勒牙旌駐水湄萬人齊看柁開時此朝河伯想增氣
去歲國公還賦詩岸蝶偶然穿翠箔沙禽曾不避紅旗
旬餘卽報行春足可厭歸軒暮雨隨

此日河生舊俗傳相公同衆樂沙塹迎舟戲羽來低岸

胃席遊絲落半天佳句獨高珠履上貴名都忘玉樽前
明年盛會知難再行看還朝百辟先

遊河遇雨

翠幄初防日影侵春雲送雨信無心莫愁客散妨車馬
且喜農安得砭針侍妓點衣重結束遊人霑蓋尚追尋
臨歸未盡杯中興却放船頭醉裏吟

依韻奉和司徒侍中喜雨應禱

合書時雨奏銀臺潤澤從今徧九垓應禱豈愆三日後
爲霖曾是十年來已逃虐魃知何地自起乖龍不待雷

無數公堂森賀笏盡同秋種荷陶坯

依韻奉和司徒侍中七夕未伏

七夕三庚共此辰風迎西火轉南薰金盤瓜果隨時俗
玉盞笙歌勸相君月下巧心空自競天邊私語復誰聞
早歸肯效東方朔待看星橋夜度雲

依韻奉和司徒侍中元城埽行河

一鼓千夫下槌聲缺堤漏穴幾時平盤渦倒吸滿流住
巨浸疑浮厚地行舉錘每年勞衆力治河無策貢愚誠
賴公自有安邦德何處風波敢更生

行河道中

風起秋河吹旆旌
林梢初日露微明
壤歌接野知堯力
水害橫堤想禹平
無數焚香迎使節
不妨傍轡問農耕
江湖未敢生歸興
爲戀車茵每侍行

卽席再賦

樂事遙追戲馬臺
高吟節物總天才
三朝致主誠心竭
九日攜賓笑口開
白酒似隨秋露滴
清歌疑喚晚雲迴
放懷不有公台貴
慣得萸枝首賜來

辛亥九日晚登騎山樓

樓倚秋風引興長
龍山吹帽憶前良
簾虛霜氣清逾逼
葉脫天形遠更詳
巧送四筵雙舞袖
坐收萬景一詩囊
登高且醉銅臺酒
黃閣多年望袞章

登高且報... 樂則天... 對尚... 臣吳玉綸恭校



